



14124

III

Mag. St. Dr.

P

Teod. Casim.


Posnaniensis.

Posnaniensis Collegii Soc. Jesu Annibal ac portas.

PANEG. DE VITAE

Polon. Fol.

№ 168



ANNIBAL

Ad PORTAS *

Metropolitanæ Majoris Poloniæ Urbis.

Militanti Ecclesiæ ad Subsidium.

Triumphanti ad Gloriam.

CELSISSIMUS PRINCEPS

ILLUSTRISSIMUS

REVERENDISSIMUS

THEODORUS

CASIMIRUS,

DUX in KLEWAN

CZARTORY-

SKI,

EPISCOPUS POSNANIENSIS

In Solenni ad Limina Principū Apostolorū

Ingressu

SALUTATUS.

A Devinctissimo Honoribus Suis Collegio Posnaniensi

Societatis JESU.

Anno

Quo, DEUS profligato homini suppetias tulit

MDCCXXXIX.

Typis Regiis Clari Collegii Posnaniensis Societatis JESU.

70.

* Urbis Posnaniensis Stemma Porta.



1412410

IN STEMMA CELSISSIMI PRINCIPIS



Totus in Vultus meos
Decurrit orbis; hinc, & hinc populi fremunt
Totusq; poscit Vindicem, Mundus suum

Sen: Herc: Oet:
Omnia genera bellorum, Armorum, uni TIBI cedunt.
de Constantino Imperatore.

Nulla acies vicit tantum pendebat ab uno
ROMA Viro *Manil. L. 4to.*

Solusq; per omnes
Ibit Personas, & turbam reddet in UNO
Et magnos HEROAS aget *Manil. L. 5to.*

Nullâ re magis armatus, quàm Seipso FARNESIUS.
Strada Dec. 2.

Succumbere poscit
Cuncta Sibi, & populum Manus una petit
Claud: in Ruf.

Ante omnes, Bellô numerandus Amilcar
Silius.

Nihil obstare potest, vincere quod parat, jam Victum est.
Seneca.

Populus, superamur ab Uno;
Ovid:

Properet malû quodcûq; dum Terra HERCULEM habet
Seneca.

Vince, omnem Miles Virtute laborem
Silius.

Audax, Sperat sibi Cedere Virtus.
Omnia *Lucan. L. 9no.*

MENELAUS in Armis;
Hæc Belli summa est. *Homer.*

Me, Solum (quæso) Me, Toti opponite Bello
Silius.

Omnium Victor, terrorem Nominis sui latè Circumtulit
Florus.
Nobi-

I.

Nobilis, Augustā reſera POSNANIA Portā
Metropolis Lechiæ, Præſuleumq; forū.
Major Trojano Sonipes *Pogonia* ſubintrat;
Ter centū ille *Viros*, mille dat Iſte *Duces*
Implebit Te Marte novō; ſplēdoribus Aras
Plena Ducum clavīs, plena nitore Dom⁹

II.

Sume paludatos vultus orbata Tyaris
Relligio, felix *Præſule* plaude novo:
Heros qui mæſto fuit ad ſolatia Regno
Gaudia cum violis multiplicata vehit
Hoſtes ne metuas; forti cuſtode teneris
Annibal ad portas ſtat cataphractus Eques

III.

Quid Portam recludis honor? Sacra Vitta POGONIAM
Una quid infrenas? quid facis una dec⁹
Non hæc ſufficiūt: frenēt ſi mille Tyaræ,
Ibit plus ultra *Czartoryanus* Eques
Ille Vavellini Montis faſtigia ſcandet,
Conſcendet ſolium ſanctius Ille Petri.

IV.

Qui toties Patrio ſuccurrit Viſtor Achilli
Heroum ad portas ſtat gladius Eques.
Attigit an metas? metas non noverat ullas
Porta triumphalis non ſibi meta ſtetit!
Pandetur, medias Urbes intrabit Honorum
Cū in Romuleas aurea porta patet.



Icisti Bellator EQUES! Jam, celsa Quirini
Sternuntur calcanda juga! Ac Capitolia, vasto
Ingressu patuere tibi Quid publica differs
Gaudia? Victtricemq; vetas ascendere passum?

Aut age! non qua Grajûm acies, tristesq; Geloni,
Scipiadas vexère Duces; vel si Appia Juli
Displicet, interjecta Tibri? Qua publicus exit,
In Latium, sacratus honor; quò tramite scandunt
Purpurei Albaniq; Patres; hûc, pone sacratum
Indomitus POGONIA gradum! Sic ire jubente
Majestate Ducis. Sacer, ipso in Limine PETRI,
TE PRÆSUL! suspectat honor: concedito (poscit)
Ad Violas Crinale Decus! vel, rite sacratis
Posnæ aris, decorande veni! Stat pervia; Vobis
Principibus, bene nota via! Olim, hac duxit ad Aras
(Usq; gemens calcatus ager, gressuq; superbus)
Emeritæ virtutis AVUM; Lege PRÆSUL in Aris,
Quas, gessit violas, vittas, trabeasq; Nepoti;
Ut posset meruisse Tibi. Hûc pete tramite Fasces;

A

Pur-

Illus Joannes
Tarło Episc.
Posnan: Natus
ex Celsissima Czartoryscia.

*Purpurei Tu Consc Chori; quo TARŁO Secures
(Vicinâ prope stirpe fluens) tibi prætulit, olim.
I Sacer ANNIBAL? excubias acturus ad Aras,
Hostiles trepident Cunei? PETRUSq; triumphet!*



Celsissimus Flo-
rianus Czarto-
ryski Episco-
pus Posnani-
ensis Avus Præ-
sulis Celsissimi.

Elicissimè triumphali ad Posnanienses tra-
beas Tuo ingressu, prima restituis sæ-
cula, præsentis ævi Decus, elapsi Invi-
dia, futuri Desiderium. ANTISTES
CELSISSIME. Illam enim, Superum
& Apostolicæ Sedis favore, Regis AU-
GUSTI suffragiò, omnium conspirantibus votis, ascendis
Cathedram; in qua, Avus Tuus CELSISSIMUS FLORI-
ANUS CZARTORYSKI eminebat, illâ ornaris purpurâ,
quam ille attriverat; Hunc præhendis Scipionem, quò ille
Majestatem suam fulciebat; sic dum in Te trabeato NEPO-
TE, revixisse Purpuratum AVUM advertimus, prisca rediisse
nobis Sæcula autumamus. Recessit Ille, ut Tu succede-
res; Excussit sacro de vertice Insulam, ut illi Caput suppo-
neres; Magnæ virtutis vestigia reliquit, ut illis insisteres.
Et Te, capacissimæ mentis indole, illa relegente, aurea
nobis quæ ille vixerat tempora, laberentur. Labuntur
hæc! eodem ad nos, quo Tu, ad vittas passu & illa flu-
ent, quæ extra fabulas vel ipse Saturnus invideret. Talia,
utrumq; Nomen; quod se, lustralibus cum undis, Tibi
infuderat, spondet; Talia, Avitum Celsissimæ Domus de-
cus, paciscitur; talia, Tu, quantus quantus es! fortuna-
tis auspiciis polliceris. Quid enim geminum Tuum, sci-
licet THEODORI ET CASIMIRI Nomen, non secundis-
simum portenderet? Nec dici primum potest, absq; Mu-
nere, nec nominari alterum, absq; manipulo Jagiellonico;
nec inesse tibi utrumq; absq; dono Superum, ad messem
gloriæ nostræ maturissimam. Geminum est: aut Paribus
Galliæ, honore non impar, aut Cælestibus Geminis, splen-
dore æquale. Sic utrumq; dabit argentea Lilia dextris, aut
Majum advehet ad vernantiam, quam non nisi mensium
Principes, Julii sequantur, & Augusti. Avitum verò de-
cus, quid non securi advehet? Præsidio nobis est & a-
mori, terrori fatis, ac periculo. Ferrea sæcula, districto mu-
crone facilius discindet quàm nodum Gordium expedita
acies

acies Alexandri. Opponet ceu Parmam Persei, terrendis periculis non impar Scutum; in illo non tam Gorgonis Caput, quàm tot hostium vertices, quos, triumphali POGONIA manu, messuerat; infausta tempora formidabunt. Quidni formident? ex Patritio, ceu ex Trajano Equo, Sexcentæ erumpent insidiæ, involvendo vel universo suppres Orbis, si hic totus in fortunas nostras conspirasset. Excussô frenô concitatori cursu, in cælum etiam saliet, solatia, auxiliares copias si terra negaverit, vel ex ipsis sideribus advecturus. Pulsabit solum, & hostem unà; non Castalis sed meliora Tagô, erumpent flumina; qualia optaret Minerva fasciis suis & natalibus cunis allusura.

Jam fluent passim pretiosa largis

Tempora nimbis.

Quæ, ex Te toto, jam surgunt auspicia? totus quantus quantus es! Munus Divinum es! Talem dare superi Præsulem nobis debuerunt; ut munifici in nos, liberales in Diæcesim, dicerentur. Quæ, Marcello Veneto, cùm triumphalem subiret arcum, artifice manu elaborata Avis, lætitiæ recinuit verba: SPEI OPTIMÆ. Hæc, inter gestientis animi indicia, inter auctissima tripudia, ad publicæ etiam famæ vulgamus classicum. In Celsissimo CZARTORYSCIO Pontificem habemus spei optimæ. Unus vota omnium implere, æquare desideria, spes etiam omnium, unus poterit superare. Optabamus circumvallati undiq; tot hostium copiis, quot mentibus Calvinii Lutheriq; imbutis dogmatibus, *Principem sacrorum* dexterrimum! Optabamus *Præsulem*! qui, non minùs sceptri Gloriâ fulcire Diæcesim, quàm ferri acie, stolones ab Ecclesiæ Romanæ planta, resecare possit. Ut talem haberemus, fatigabamus Cælum precibus, adolebamus thura, litabamus hostias. Non devota Deo ædes, non altare, non Ara fuit, quæ superos hóc votô non coleret; quæ, tanti Præsulis magis desiderio quam Ceris non arderet. Inter tot Hecatombas, inter tot sacrorum Flaminum suspiria, inter ardentis populi desideria, Tu, Mentibus obversabar, Tu omnibus occurrebas, quasi unus Tu vota, unus omnium studia, unus implere tanti Mensuram Præsulis posses, qualem Universi à Superis poscebamus. Explerunt cumulatifsimè Astra, pectoris anhelitus! feceruntq; favoris sui beneficiô, ne, nos, qui tantum Antistitem vix sperare poteramus, meliorem optare etiam non possimus. Ades enim, pro loci Opportunitate CELSISSIME PRINCEPS, & a-

more munitus, & armatus ferrô! Scutum ostentas qui te-
gi voluerint; armorum fulgore perstringis pupillam, quæ
odit lucem CHRISTO Justitiæ soli coævam! Huc! huc ad-
este! Ecclesiæ Romanæ perduelles! vel miti ab ingenio di-
scetis mansuescere, vel à forti brachio timere flagitia. Ac-
curritis? ad primam oculorum Herculis nostri aciem, fre-
mite Anthæi! prostrati toties, à casu surgentes semper. Tre-
pidate Hydræ! recisis toties capitibus pullulantes. Certa-
batis hactenus Marte improbò cum Matre Ecclesia. Edu-
cebatis copias contra Religionem, quæ vestros Majores
educavit. Viscera ferrô petebatis, quæ vos in lucem ve-
stris in Aboriginibus ediderunt. Eripuistis tot in Provinciis
Religionem templis; sacra Altaribus; piis manibus palatia;
Beatis Cælitibus imagines; fidem Civibus. Ad quæ vos E-
rynnis succenderat, excitaverat furor; ad hæc cæco impetu
ex animi sententia ruebatis! Jverunt, sub hastam vestram,
cælestes Victimæ, regulares militantis Ecclesiæ copię; Ive-
runt sacri Flamines, Hi, radiis rotæ implicabantur, minue-
bantur illi capite, suspendiò alii vitam terminabant. Bibi-
stis Sacrum cruorem, quem sitiebatis, martyribus salutem
propinantes. Jam, innocui Sanguinis Helluones, jam Atti-
læ idest flagella Dei dicebamini. Fulminabat contra vos
Roma! quòd Gygantes, perniciem Jovi, cladem cælo in-
tentantes credebat. Sed vos etsi non gemmæ (utpote pre-
tioso haud digni Nomine) vel inter ipsa tonitrua nascebã-
mini. Accensis ad Superum altaria ceris, vos! dicatæ Deo
animæ adurebant, sed veluti salamandræ bibissetis indolem,
ipsis incēdiis alebamini. Evaginato per Reges *Ludovicos* Galliarum,
Philippos Hispaniarum, Cæsares *Carolos*, & Sexcentos alios,
ense; ultra Gades pellebamini, sed veluti strutiones ab ipso
ferro vires & animum sumebatis. Trepidate nunc! pluribus
Aucti sceleribus quàm victoriis! Militanti Ecclesiæ in sub-
sidium, decertanti in præsidium adest, PRÆSUL
PRINCEPS CZARTORYSCIUS! Periculum vobis in-
stat! SACERRIMUS ANNIBAL in Portis Metropolitanæ
Urbis Majoricæ est. Hòc, antiquò Religiosior; Ille, arma
dedit contra Romanos, hic pro fidei Romanæ zelo, cum
sanguine etiam, daturus vitam. Resipiscite! Aviti POGO-
NIÆ ungulâ proteremini, nisi in Catholicæ fidei dogma, &
nostram discesseritis in sententiam, Ferro verticem subdetis!
nisi capita in obsequium fidei mancipaveritis. Sic CHRI-
STUS ad Præsulem: *compelle intrare!* Sic, Infulatus PA-
STOR ad CHRISTUM: *Oportet me illas adducere!* Sic
nos,

nos, utriq; gratias persolvemus, si unum *Pastorem* & unum ovile habuerimus! Habebimus! restitues nobis ANTISTES CELSISSIMUS prisca illa saluberrima tempora, in quibus fatum istud domesticum non vivebat, & quæ, virus hoc intra Regni viscera non fovebant. Fluent gemmâs pensanda momenta, si abscissa membra ad unionem & fidem reduxeris Orthodoxam.

Sed eheu ludimur! o! miseras spes mortalium! Dum Augusta nobis, ex tuo Nomine, ampla ex Avito decore, Basilica ex Te Ipso pollicemur; doloris quâdam obruimur magnitudine; quasi ideo, ad Summum spei conscenderemus fastigium; ut ad extrema luctuum laberemur. Spem omnem in Te devoravimus, & panem mærore consumimur. Anchoram spei optimæ, quam in altum Tuæ jeceramus dignitatis, latrantes arrodunt scyllæ, confundunt Charybdes, & fluctus corrumpunt decumani. Qui turbo nos vexat? qui intempestivus Aquilo confundit, ANTISTES Modestissime inquiris? Pace tua dixero! Popularis aura est: qua Argo Sortis Tuæ, per Archipelagum Purpurarum impellitur, non alio ad clavum sedente, quam ipso honore Palinuro.

Et ecce in ipso Margine iterum in Scyllam incidimus; dum adversam Charybdim formidamus. Indignamur honori Tuo, dum applaudere debuimus dignitati. Parce tamen FAVENTISSIME PRÆSUL! Ea est Conditionis Mortalium indoles! ut quantum amore boni, quod possidet assurgit, tantum, timore ne illud amittat, deprimatur! Timor nos invadit! ne, tot votis quæsitum, tantis desideriis expetitur, Magnô Solatiô salutatum, Majori dolore amittamus! Veremur! ne honor, vela Purpurarum explicet, ut altius proveharis: & Te, in promontorio spei nostræ, ostendet nobis tantum ad irritamenta, quem, ad duratura solatia, perennem libenter haberemus. Nec Panicus timor est! qui, ut fortius graviusq; in nos assurgat, haud levi nititur fundamento. Avus Tuus Celissimus Princeps FLORIANUS CZARTORYSKI, Anno quinquagesimo Supra Millesimum Sexcentessimum, Diæcesis hujus decor, & quarto Supra quinquagesimum, mæror fuit. Trienniô tantum, faventis beneficiô Cæli oblatô gaudebamus; ut occultâ invidiæ sortis potestate, ablatum per ævum & sæcula doleremus. Mutavit hic Purpuram, nos palluimus! Ad altius honorum assurrexit fastigium, nos ipse & animo cadebamus! Movit suam stationem, nos in

B

Mar.

Celissimus Florianus Czartoryski post Posnaniensem Insulam Præsul Cujavienſis de in Primas Regni.

Marmora obriguimus; ut perpetuò lacrymis sudaremus
Eripuerunt nobis hunc Cujavienſes vittæ; Cujavienſibus
Gneſnenſes ademerunt Tæniæ. Sic certantibûs inter ſe pa-
ri Sorte Majoribûs Infulis, nos utriq; in DUCE FLORI-
ANO palmam porreximus triumphalem Hæc nos, Magni
Archipræſulis terrent veſtigia; quæ, ut altiffimâ mente com-
prehendere Te advertimus; ita non impari excitatiſſimæ Vir-
tutis gloriâ preſſurum haud ambigimus. Donum DEI es
THEODORE! igitur pro Superum immenſa munificentia
pro Numinis Liberalitate, terminis claudi neſcia, non uni
forte Diæceſi conferendum. Celſiſſimus POGONIA ex æ-
quo, Majores ſibi, pro Sago, Purpurarum prætendit togas;
jus gladii, unâ cum Præſuleis Vittis ſibi vendicat. Sub-
ſcribet æquitati honor, dabit Majores trabeas, quibus pin-
garis, dabit altiores cruces in quibus emineas; dabit Cel-
ſiſſimas Diæceſes; Tibi ad gloriâ, Provinciis aliis ad ſolatia,
nobis ad invidiam. Sic metuimus futurâ, qui amamus
præſentia. Metuimus! non quaſi honori Tuo ANTISTES
CELSISSIME adverſa, ſed quia Diæceſis noſtræ bono, uni-
verſi gregis commodo, inimica. Veremur! ne, ut cælum
olim, inter fabulas Herculem; ita veriùs TE ANNIBA-
LEM noſtrum, altiora, ſed invida rebus noſtris, honorum
ſidera eripiant. Mærore dejicimur! ne amiſſo Patre Filii,
Pastore grex, Præſule Populus, gravi doloris mole quon-
dam ſuccumbamus.

Sed ſubſiſte tandem inconſulte mæror! ſiſte gradum li-
vor! ut CELSSIMO PRINCIPI Noſtro, Apoſtolorum li-
men, titulorum quoq; limes ſit, prætendis? PÊTRI clavibus
Metropolitanæ Urbis Portam obſeras, ut ambigentibus *Ca-
put Antiftitis*, viam præcludas honoribus? Vartam objicis,
ut detineas? Temeritas eſt! nunquam ſatis toto etiam hoc
flumine eluenda. Niſi per affectus exceſſuum, in Celſiſſi-
mum hunc Principem deliquiſſes, privari illò pro pæna me-
rereris. Paſtorale, dignitatis Poſnanienſis Pedum, non ter-
minalis Columna *Annibali* noſtro eſt, ſed Scipio, qui ad al-
tiora præeat faſtigia. Primæ hæ violæ, Ver honorum aperient,
& Centifolia explicabunt Purpurarum. Injurius Ma-
gno Antiftiti es, ſi per Tua etiam diſpendia, Præſulis non
amoves detrimenta. Igitur, nec ego moram aliquam inter-
ponam, nec Te ullo terminò definiam trabearum.

Curre per Diæceſis etiam noſtræ jacturam, quò Te, ex-
porrecti Animi vigor, quò, ad Summa quæq; Nata Indoles,
quò Majorum Tuorum invitant veſtigia. Gemma es Præ-
ſulum!

sulum! vel ideo non uni vittæ, nec uni nata Coronæ.
Sol es Antistitum! dum uni radios dispenſas Provinciæ, jam
Te aliæ, non absq; obscuræ noctis tædio, præstolantur.
Jam non amplius peccantis in tuam dignitatem, sed pre-
cantis induam personam Oratoris. Ut Limina PETRI ac
PAULI, passu ascendas cellissimo; quæ ad Majorem hono-
rum Aram; ac Titulorum Templum; viam Tibi tritissimam
adornabunt, exorabo! Ut veniam concedas, non citius in-
tuum Caput ruenti Infulæ, precabor! Ut interstitium ali-
quod, in hoc Præsulei honoris gradu, ex animi tui Senter-
tia impetrem: Diæcesis hujus pretia, & affectum erga Te,
evolvam. Si evicero? Certamen meum; Victoria, triumphus,
Aviti POGONIA erit, ac Sertum immortale.

Post emensa itaq; meritorum stadia post attritos Con-
summatæ virtutis cursus, non Capitolium (hoc enim im-
probò Marte, etiam certantium præmium fuerat) trium-
phali passu, Apostolorum Cathedram ascende PONTIFEX
SACERRIME! Pridem Sanctitati tuæ, hic honor debeba-
tur. Eminentissimæ dotes, pridem hanc Provinciam me-
rebantur. A Divo AUGUSTO Secundo, jam olim primis
destinabaris Infulis; & vittæ, jam dudum Cellissimam in-
vaderent Frontem, nisi Tua modestia subterfugeret trabeas;
malletq; Poloniam implere meritis, quàm Caput Vittis.
Expugnari tamen adhuc ista poterat, implicatâ annulô ma-
nu; amandatô ad Cydæris vincula vertice; Affixô pectore
Cruci Præsuleæ; nisi certantium de Tuo Capite dignitatum,
dissidia obstitissent. Turmatim Convolârunt Diæceses. Sta-
bant veluti armata Premislai Sylva, Sacri Scipiones! An-
nuli, quasi ex modio prodirent Annibalis, Militarem supple-
bant globum. Tu discordantium titulorum origo; Tu spo-
lium, Tu præda, & post, Certaminis meritum; Tu unus
præmium, ab omnibus spectabaris. Nullus annulus fuerat,
qui à Tuo pollice pretium, nullus Scipio, qui à manu ro-
bur, Nullus purpurarum murex, qui à Tua verecundia co-
lorem, nulla Infula, quæ à Tuo Capite, sibi non posceret
eminentiam. Si STANISLAUS esses, si citra temeritatem
Boleslai, dividi posses? pauciora numerares membra, quàm
Diæceses, à quibus poscebaris.

In tanto instruentium aciem trabearum tumultu, hoc
factum (quod inter discordantes usuvenire solet) omnes
à Tua unius vinci maluerunt modestia, ne singulæ à sin-
gulis vincerentur. Quævis Infula, in Tuam ruebat fron-
tem, sed quasi non ad Verticis Tui mensuram esset, detru-

debatur ab alia; quodq; *Posnaniensis*, non citius Tui Capit-
tis occupasset fastigium; ambitus; & invidia fecit aliarum.
Nec terminus unquam foret jurgiorum, perpetua anfa re-
linqueretur Infulis, mutuò sibi aditum præpedientibûs, ne,
una alteram præverteret; nisi suo Augustior nomine poten-
tissimus AUGUSTUS TERTIUS Poloniarum Rex Avito
ferro litem discinderet, & Compositò ad Majestatem vultu,
Tuæ dignitati, injuriosa sopiret negotia. Coronatum Ca-
put, in partes se Posnaniensis Vittæ inclinavit, non imme-
ritò! prior est Vittis aliis, tempore; potior jure, ad capes-
senda Tua tempora censebatur! Major tunc Polonia in Co-
mitiis Scipionem præferebat, Pastorale etiam, Provinciæ e-
jusdem Pedum, ut aliis palmam præriperet, æquum fuit!
Adjudicavit Te, ANTISTES CELSISSIME Pontificiæ Po-
snaniensi dignitati; ut ex justitia fieres Præsul. Nunquam
justior quàm dum sic decrevisset. Vidit minores Diæceses,
Majori Poloniæ te invidere. Advertit Sacros Scipiones, aut
præ doloris vehementia; aut desiderii magnitudine tremere,
ac de suo dejici robore. Vidit patulò ore Infulas, Tibi, ceu
nobilissimæ prædæ inhiare, perpetuum indixit silentium.
Satis sibi ad gloriam reputarent, pro potestate imperavit; quod
cum aliis dignitate Majoribus, tuæ fronti aptioribus Caput
ambiverint Celsissimum. Primarum verò Primatialiumq;
Infularum, hiantia vulnera non sanasset, nisi dixisset: se non
alia conditione, Posnaniensem obtulisse; nisi ut illis aditum
impetraret. Sic altò judicò, *Princeps* Justissimus fecit di-
scrimen dignitatum, cum Tu nullum faceres meritum.

Immortales ergo gratiæ! Cognato Divorum Sanguini!
Sexcentorum Cæsarum Nepoti! Regum, Electorum, Du-
cumq; Genitori, Poloniarum Coronæ apici! belli pacisq;
Numini, & quidquid sub Augusti continet Nomine (con-
tinet autem Summa omnia) AUGUSTO TERTIO Polo-
niarum Regi Potentissimo; quòd Celsissimæ CZARTORY-
SCIORUM Domus gloriam, desideria populi, vota Po-
snaniensis Infulæ, *Avito Serto* coronaverit. Certanti cum
aliis de palma vittæ, Laurus est triumphalis, non uni tan-
tum vertici sed ad Majorem Victoriarum pompam, tro-
phæorum apparatus, Romano Capitolio inserenda. Pro
grati animi documento, quod Te Judice REGUM SE-
RENISSIME Causa non ceciderit, Altaria tibi attolleret
Diæcesis, nisi Tu cultum omnem pro innata virtute in
Superos refunderes, malleq; ab charis Tibi Polonorum pe-
ctoribus, ut populi amor imperare, quàm ab Aris ut ter-
restre

restre Numen adorari. Talem dedisti nobis Præsulem, qualis, siue Numinis in nos benevolentiam, siue tuos favores spectemus, *Donum DEI* & Munus Superum diceretur. Vidisti Majorem Poloniam absq; Antistite, ut parem tanto Nomini dedisses Pontificem, dedisti Celsissimum. Vidisti tot circumseptam hostibus, quot reluctantis populi Romanæ fidei Capitibus, ferrô gravem obtulisti, ut bonis tutelæ, pertinacibus terrori, omnibus admirationi esset unus, mira dexteritate fecisti. Plùsne *Posnaniensis Cathedra MIECISLAO Primo, an AUGUSTO* debeat *Tertio*. dubium incertumq; est! Erexerat Ille, à fundamentis Ecclesiam; Rex hic, ac *Saxonum Princeps*, nullum non movit lapidem, ut talem in PRINCIPE CZARTORYSCIO donaret Cathedræ Præsulem, qui inferendo tot honoris sui templa, tot Virtutum Pantheon, si non invenisset, se uno fundasset Diæcesim.

Sed cum gratias persolvimus Regi vectigales; Tuas à Te FAVENTISSIME PRÆSUL mendicamus! Permitté, in primo quasi panegyris limine tenui elogii filô. limites quæ tibi obtigit, metiri Diæcesis. Ut orbis videat an ad tui sit mensuram honoris, Encomiis efferre Cathedram, ut ad tuæ Celsitudinis Culmen emineat. Nisi enim, amplitudinem illius ostenderimus, Tuam temerariè ambiret Majestatem. Nisi laudibûs, Te etiam digna non foret, ANTISTITE Laudatissimo! Primus elogii hujus Apex, Tui honoris punctô coronabitur. Regibus utiq; ex Regnis quibus imperant gloria. Magnatibus ex terrarum, quas possident vastitate honor; Sacrorum etiam Principibus, ex Diæcesis quam regunt dignitate, laus oritur & crescit maxima.

ELOGIUM

DIÆCESIS POSNANIENSIS.

Ab antiquitate

Summa rerum Commendatio.

Diis proxima censentur,
quæ barbato tempori coæva.

Inter Numina Computantur,

quæ Sæcula numerant
non momenta.

Creduntur Orbis esse miracula;
quæ in prima planta non videntur.

Quasi fungorum natura esset
unâ luce aut obscurâ nocte nasci,
immortalis Cedri indoles

Sexcentis lustris
in lucem publicam adolescere.

Ad fundandam *Diæcesis* hujus Auctoritatem
dicam satis:

Senio gravis est.

Quæcunq; alia vetustissima licet
viget in *Polonia*;

nostrati aut *Soror*

aut *Filia*

aut *Neptis* est.

Matrem postulas?

Latium pete.

Romana est *Ecclesia*.

Ab Universali hâc Parente,
natam decebat

quæ nisi *Gnesnensis* ac *Cracoviensis*
forte præcederent

omnium *Ecclesiarum*,

Diæcesum omnium in *Polonia*

Ma-

Mater esset Æcumenica.

Si fastis credimus nonnullorum,

Diacesi ac Urbi,

virtutes dederunt nomen,

quod aliis negarunt noxæ.

POSNA dicta

quod prima DEUM agnoverit.

O nomen optandum ab omnibus,

invidendum à singulis.

VERONA esses,

quod prima *veri* NUMINIS cultum

susceperis.

PLACENTIA,

quod præ primis *fides* tibi

Catholica arriserit.

R O M A,

in te *Superum* amor quievit,

quem sine *mora*

in sinum admisisti.

POSNA es?

hòc ipsò *Cognatarum* DEO Urbium

Compendium.

Ceu in speculo omnes in te videntur

& se mutuò agnoscunt.

Cathedrâ MIECISLAUS fūdaverat;

parùm illi fuit Idola evertere

nisi *Ecclesias* erexisset.
Ne fides emortua in illo esset
illam tantò opere animavit
Domumq̃ DEI advivum
Similem fecit *Cælesti Civitati*.
Septem alias exstruere imperavit,
hanc præ cæteris *unam*
Catholicam & Apostolicam esse voluit
dum PETRO & PAULO
dedicavit.

Romanam dicet Posteritas
iisdem assurgit *Capitibus*
sub quibus eminet *Vaticana*.

Tumulus hic quondam
Lechiæ Imperantium fuerat.
Ad PETRI naviculam
non lustrales solùm undas,
sed *Cælestem* credite *Eridanum*
in quo

Principes Regnorum Soles
condebantur.

Aliis
alibi Divos manes reponere
placuerat;
Pulchrò tamen opinor discrimine.
Corpus donant alteri *Solo*

omnes

omnes; animas committunt
PETRO, *Cathedræ hujus Tutelari*
sub clavibus ejusdem
Polo servandas.

Diæcesis amplitudinem nō exaggero
sed coarctō;
dum intra breves folii margines
claudō.

A Silesia Varsaviam extenditur;
dum hanc continet,
totam *Poloniam*,
& *Litvaniem* complectitur.

Poloni
& quidquid hoc nomine venit.
Litavi

& *Lectissimus ad Comitia Orbis*
POSNANIENSI PRÆSULI *Diæcesanus* est
Nihil adhuc innui.

Dicam
quod Caput rei est.

Coronati Vertices
frons prima gregis sunt.

Alia Ovibus tantū
hæc *aureo* etiam gaudet vellere.

Concludite

aliæ Diæceses illustrissimæ sunt

D fun-

funt aliæ *Celsissimæ*,
hæc supra alias assurgit
quia est *Serenissima*.
Extendi possunt aliæ longiùs
claudi Augustiùs nulla.

Audio jam
quæ Livor cogitaverat
huic objici.

Multas *Posnaniensem* *PASTOREM*
habere Oves,
quæ non sunt ex ovili.

Notæ sunt tantùm
non *natæ* Romanæ fidei.

Catholicam Ecclesiam,
non *Matrem* agnoscunt
sed *Novercam*.

Sed nihil pensilibus *Semiramidis* hortis
de flore decedit,
quòd urticas habeant
evellendas tamen.

Nihil aureæ messi
quòd inter lolia crescat
ad frugem meliorem.

Nihil *Xerxis* *Platano*,
quòd stolonibus abundet
radicitùs abradendis.

Au-

Aureo pomo vermis,
purpuræ tinea,
chalybi rubigo
familiaris est.

Hæc Summorum natura,
quò altiùs assurgant,
Majorem Umbram non fovere
sed habere projectam.

Ista, non ideo à me dicta existima, ANTISTITUM PRUDENTISSIME quasi Diæcesis antiquitatem, Sublimitatem Cathedræ, ignorares. Melius, ex tuo Capite, Orbis quantus, quantus est! non Diæcesis tantum, legitur, quàm ex Mappa Universi. Multa oculis tot Regnorum Lustrator spectasti, plurima ex codicibus didicisti, omnia altâ mente reposta, arctiùs comprehendis; quàm cælum sydera, Pyrrhi Annulus Musas, terrarum viscera aurum, Pelagus Uniones. Si fasti non exstarent, Si tempus edax rerum, codices absumeret; solidiùs omnia, ex Tuo discerentur Capite, quàm Mundi totius bibliotheca. Consultò Antiquitatem descriptam volui, ut palam facerem, quòd non unius momenti, non horæ, non diei, sed sæculorum fueris expectatio, MAGNE ANTISTES. Arari, temporis annosi rugis, *Diæcesis* debuit, ut illi in Te Manipulus confurgeret CASIMIRI; qualem, jure sibi debitum, omnes exigerent *Ecclesiæ*, poscerent *Numina*, adorarent *Universi*. Debuit sæculorum gravitate depressa inclinari hæc *Cathedra*, ut pro *Tuæ* dignitatis honore cecidisset. Magnitudinem attigi meditò, & certum est Orbi; nulli Diæcesim hanc, non esse æqualem, plurimis Majorem, uno tantum Te minorem; in qua, Majestas Tua longiùs extenditur Celsitudo altiùs eminet, veluti florum lilia Reges, inter minorem vernantiam; veluti inter ignes, Luna minores. Decora nonnulla explicui, sed ad Majoremne illius gloriam? an ampliorem *Tui Nominis* pompam? dubium controversumq; est! Non aliter enim, hunc totum apparatus, in Te admittis; nisi ut concha rorem, quem transformet in unionem, coronæ aut Orbis annulo, inferendum. Non aliter gloriam acceptas, nisi ut apes succum ex floribus, scilicet

ut ex illo mella conficiant, Ceris illustrissimis accendendis. Dicam tamen perpaucis, quæ dignitas, qui tituli ex hac trabea in *Te* defluerunt. Narrabo fusiùs, qui honor ex *Te* Præsuleæ accesserit dignitati. Mutuò enimverò in vestra conspirastis decora. Ille dedit purpuram, *Tu* Muricem in ortu Tuo, *primis* in Polonia *syderibus* consanguineo, fecisti Serenissimis concolorem. Ille contulit Infulam, *Tu* apicem Infulæ adjecisti. Ille gravavit manum Scipione. *Tu* quasi Mydas esses, attactu effecisti aureum. Ille crucem pectori impressit, *Tu* hanc exaltasti, & *exaltationis Crucis Festum*, in Polonia celebre est.

Cum tanta præstare *Te* probavero, liquido constabit quod plus dederis Præsuleæ dignitati quàm acceperis. Nunc quæ Antistitis tituli fuerint studia, in officio Tibi deferendo quantum *Tibi* inde existimationis accesserit, faventi oculo intueri.

Vix in illo Orbis Lechici theatro, confluentium undiq; populorum campo, amplissimo libertatis Polonæ Sanctuario, Imperantium Principum Regia (*Varsaviam* puto) ILLUSTRISSIMUS REVERENDISSIMUS STANISLAUS HO-SIUS Antistitum Norma, Apostolici zeli Idæa, Regum delicæ, post Consummatum, inoffenso pede, vitæ cursum; *A-*vitam *Plantam* Astris inferret; Varii, variorum animos (ut post funera Summorum uluvenit) affectus incessère. Alii, ceu *oves pupillæ* fleverunt *Pastorem* & tot sudatos labores *Antistitis*, non tam sub onere fatiscentis quàm ætate, et morum gravitate fessi, cum aliter non possent, lacrymarum impensis compensabant. Alii, cum animam jam egisset, quanta vivus ageret, mente revolvere. Jam profundos in Senatu sensus memorare, jam pia in tot Diæcesibus sancita colere, jam supra justissima in Areopago Decreta attoniti hæ-rere. Jam ingenii aciem, qua lites & nervosissimas difficultates acute discindebat mirari. Nullam tot palmarum viro in Paradiso laureolam non polliceri. Sacrorum Principi, nullum in Regno thronum non deberi. Infulatum fidus, tot illustrissimis clarum honoribus, radiis Beatorum distinguere, & lumini gloriæ invehere. Alii cur non alio quàm publici congressûs tempore, obiverit indagare. Fuerat non nemo, qui has in Medium depromperit.

Rex

R E X
S E N A T U S
N O B I L I T A S,

*Illustrissimus
Antecessor Ca-
misiorum ru-
porum tempo-
re decem Ver-
savit.*

Ad Comitia confluxit
ILLUSTRISSIMO STANISLAO HOSIO

Effluxit vita;

Non poterat fato nobiliore mori.

Concilio Pontifex immortalis

Concioni Pastor Zelotissimus.

Vitam duxit semper Antistite dignā,

Mori etiam non potuit

Nisi officiō fungeretur.

STANISLAUS PRÆSUL occubuit

Convolarunt toto Orbe *Aquilæ.*

Novō miraculō

Redintegraturæ Corpus

Nisi integerrimum reperissent.

Dignum Senatore fatum!

Inter tot Procerum Sensus

Mortem consultissimam!

Quantū amore boni Communis æstuaverit

Legite à cineribus;

Salutem Patriæ

Per vitæ suæ quærebat discrimina.

Vidit illam planè exspirare

Animam suam inspiravit.

E

Vi-

Vidit animorum *unionem* distractam

Ut *corpus* Reipublicæ cum *anima* Regni

Unum *constitueret*;

Impendit suam.

Comitiorum finem expectare

ægrè tulit.

Bono Civi,

Senatori optimo,

Tolerabilius est cum vita dissolvi;

Quàm soluta comitia tolerare.

Alii post funestum *Phæbi* huius occasum in illa, quam deferuit, cæli parte (*Diæcesim* intelligo) diversam rerum faciem sperare. Hi certantium inter se minorum syderum pugnas, quod in obscuro fieri Solet, expectare; Illi diem ruere, lucem mori alii, cælum planè everti ac omnia in contrarium itura metuebant. Alii Atlanti fesso & jam in publicis luctibus fesso, Herculem quærere Succedaneum, destinare purpuræ humeros, annulo manum, Caput Infulæ. Unus Curiam & Principum palatia, unus privatas mensas, unus sacras Ædes ac rostra, unus forum, linguas singulorum, ora populi, Urbis colloquia, omnium expectationem, futurus *Præsul* occupabat. Multæ *Diæceses* suos *Prælatos* ceu Oceanus gemmas exponere non alii quàm vacanti Annulo inferendas. Plurimæ *Canonicos* suos, ceu hortus rosas, purpuris consanguineas, offerre; ut his Aris, istis admoveantur Altaribus. Omnes, Capituli sui Vertices, sublimi probitate, non humili eruditione conspicuos erigere; ut pro Divorum radiis splendore; *Antistitis* Infulæ; pro lauro, *Posnaniensi* coronarentur Vitta. Non pauci etiam *Antistitum* oblivisci suarum *Diæcesum*, excutere annulos digito, calcare suas Violas, dedignari Scipiones, aspernari Sacras Tænias visi; ut unum quemq; fugientem suas trabeas, major in *Posnaniensi* Vitta, honor sequeretur.

Tuus vero ANTISTITUM MODESTISSIME inter tot promoventium se se arbitria, qui Sensus fuerat? Communi cum aliis obruebaris luctu, quod creptum Altaribus Sacerdotem, Curuli Senatorem, Cathedræ Præsulem advertisti. Cre-

bra

bra erumpebant de pectore suspiria, sed quæ lugentis non desiderantis animi, fuerint indicia. Ad primum fatorum nuntium palluisti, sed non ideo, ut Sacro murice pingereris. Gravi sub dolore vix non concidisti, non tamen pro fulcro scipionem prætendebas. Inter feralem cupressum cum multi, de Violis cogitassent, cum plurimi in purpureo colore, Tu palmas nonnisi in cælum attollere, & quia *Rubri* es observantissimus, pullâ Veste parentare extincto Præsuli statuisti. Objicientem se se Tibi Præsuleam dignitatem, nusquam ad mentem admiseras, nisi cum vota ad Superos funderes, ut qui dignior esset vertex, indueret Sacrum diadema cui sapientissimum & Sanctissimum Caput, deberetur. Veniebant ad Te plenô agmine Principes, & ut Rex Sacrorum fieri velles, invitabant. Veniebant Senatores utq; admisâ curuli partem Curarum Reipublicæ, in Te susciperes, poscebant; Flos Nobilitatis ut violas admitteres, acclini collo precabatur. Omnes merita Tua portendere, favores Regis AUGUSTI spondere, Infulam Fronti, si Caput tantum inclinaveris, polliceri. Admisisti innatâ Tibi humanitate, turmatim accurrentes Optimates. Admisisti multam Magnatum frequentiam, Pastorali tantum Peditum, aditum præcludebas. Violentiam, ipsis tuis meritis faciebas, & diuturniori morâ, mereri tantum honores optabas, non habere. Celsissimus quantumvis esses, inter concurrentes videri noluisti; Altitudines Infulatarum sedium non ambiebas, ne accessione honorum crevisse videreris. Ex adhærentibus lateri Tuo, quidam tam pertinacis Virtutis arbiter, admiratione abreptus exclamasse fertur.

Audi posteritas!

Prodigio aliquid simile!

& mirare:

Nemo testudo ad honores.

Præceps in sublimia ambitus

Mortalibus esse solet;

CELSISSIMUS PRINCEPS CZARTORYSKI.

Etiam in avito POGONIA!

Ad honores testudo est.

E2

Age

Age pro virili
EQUES Nobilissime
Pastoralis Scipio Columnam,
Infula Coronam supplet.
Placet cum LESCONES *pedum* celeritate
Pedum definire.
Armatas galeâ aures habet,
Ne vota audiat;
Benè animatus in honores.
Cor Clypeo munit,
ne Catenæ & Cruces ruant,
in pectus Principis.
Ferro frontem tuetur,
ne vittæ invadant Caput.
Facilius fortè vulnera
quàm Infulas admissurus.
Fortiùs frena Equi tenet,
ne Imperii teneat.
Ne Lesconis fraudẽ sequi videatur
eò impetu vittas fugit,
quò Ille infecutus.
Novum hoc sanè & mirabile
Infulas mereri,
& morari.
Ad trabeas nasci
& nolle ab ipsis nosci.

O!

O! quam felicia Imperia essent!
Si à nolentibus regerentur.

Molestissima erat omnibus, maximè tamen honori vel mora Tua, vel modestia. Non tam acerbò sensu, fatum extincti tulit Antistitis, quàm quòd à Te sperneretur. Cogebatur rarò exemplò in campum ambitus descendere, & inter Candidatos recenserì, qui Candidatos hæcenus numerabat. Jam Te occultis Cuniculis famà scilicet propensi in Te Regis animi, rumore sublimis Cathedræ, amplæ Diæcesis, pertentabat. Jam ascensum hunc, non tam ad assentationem quàm officia compositò vultu, gradum ad altiora Infularum fastigia, asserere. Jam, cum precando opportunè nihil; peccando importunè omnia se evicturum non desperavit. Armatus fascibùs; ovibùs, percussò fati Pastore dispersis, collectis in unum, ceu ariete pectori expugnando instructus adiit limina, ter Atria pulsavit Scipione; admittere armatis jam precibùs, contendebat. Gravis certè honor Præsuleus, modestiæ Tuæ credi poterat, & eò periculosior, quòd Domi Tuæ jam dudum inquilinus, nisi vel ipsò contemptu à Te vinceretur. Conserere manus cum annulo; aut Scipione noluisse exponere pectus Catenæ, Caput Infularum vinculo, temerarium putabas; Decrevisti de tanto hoste fugà ipsa titulorum, triumphare. Quid faceret? ut audacissimus quisq; est; quem speratà sors destituit, Regiam accessit Majestatem, aurem postulavit, cui Tu Caput Vittis coronandum negasti. Indignitatem facti exposuit, quod Tu dignus tantum haberi Infulis & non Infulas habere ambiveris. Inclementiam pectoris accusavit quod pupillum Antistitis honorem, limina poscentem non admiseris. Profani aliquid tibi appinxit, quod sacris trabeis locum non concesseris, in mentis & virtutum tuarum Sanctuario. Stetit pro Sacris trabeis, *Sacra Regia Majestas*. Animum tuum ut nec importunum honoribus accersendis audivit, nec imparem offerendis scivit, Te *Antistitem Posnaniensem*, reluctantem quantumvis, nominavit.

Et jam non erat locus fugæ, in illo Majestatis fastigio excusationi in tanta modestia. Stiparunt illicò latus Tuum Principes, ne Te honoribus subtraheres; nihil aliud, coronâ illâ, nisi Te Præsulum Gemmam, ambigente. Celsissimi Præsules, Duces invictissimi, Senatus, Procères, lætiori solito arriserunt vultu quasi ad universi Cæli sortem pertineret, unius Syderis accessio. Ille consanguineum, affinem Is

F. te,

te, hic amicum, alius contribulem, donatum Cathedræ, mistis tripudiis dicebant, poterasq; in omnibus purpuris videri, ante muricem trabeatus; Collegimus indè qualis futurus esses Episcopus, quem tot formabant Episcopi. Quales radios virtus Tua sit habitura, cui tot assidui Soles, diem primam geminarunt & fecerunt parelia. Hæc studia honoris fuerant, in officio Tibi deferendo defudantis, quæ amare quidem non poteras, utpote tuæ contraria modestiæ, æstimare tamen debes, utpote luctanti consona dignitati.

Crede calamo! si fidem non meretur? crede publico orbis iudicio, PRINCEPS CELSISSIME. Magnum hoc est & nisi Te unô minus, non adscitô Minorum Insularum suffragiô, Polnaniensem mereri Insulam. Non firmatô, prius gressu in Minoribus Cathedris, in hac comparere. Non quæsitô à parvis curulibus gradu, hanc ascendere, & in illa, parem primis eminere. Alios prius brachia Antistitum vidimus quàm Capita Diæcesum adoravimus. Prius Suffraganeos Præfulum quàm Præsules In auxiliari manu dexteritas horum prius spectari debuerat, antequam lacerti, haud impares, majori Purpuræ iudicati. Ad sui Capitis pretia ab ultimis fere orbis recessibus invitabant alii Vittas; prius in extero sole clari, quàm in Polo Poloniæ Illustrissimi. Aliis à *Minori*, nonnisi ad *majus* honoris fastigium, *ascensus*; quasi implere amplas Diæceses non possent, nisi prius angustiis aliarum clauderentur. Alii ætate jam fessi in hac curuli quieverunt, Canos prius in Capite quàm Insulæ istius adepti honorem; ceu ideo illis scipio daretur, ut haberent de crepiti, quo sua gravis Senectus fulciretur.

Tibi vero CELSISSIME PRÆSUL prima se statim, Polnaniensis Insula obtulit; supra minores, Caput tuum utiq; Celsum altius eminebat. Festinatis itineribus, non observatis annorum gradibus, temporumq; intervallis, ipsa ultro ad Te tanquam ad immortale quoddam Sacrum, Sacra properavit Vittas; veluti de nobili palma, cum aliis certatura; ut prior omnibus tantæ animæ augustal, suo occupasset fastigiô. Ita quæ in aliis meritorum extrema fuerunt, in Te rudimenta sunt, & prima tantum titulorum principia. Ita aliorum vix sæcula suffecerant, huic Cathedræ, Tui pauciores quantumvis menses, satis erant: quasi plura Tu momentô confeceris, quàm alii Sexcentis Lustris confecissent. Canos tuos aliis Insulis reliquit coronandos; Polnaniensis vitta, Tui Capitis pretia, non argentum pensabat capillorum. Accersitis aliunde violis, ornatum Te hic honor

non ambivit. totum purpurarum Colorem in Tuos lacertos
solus effudit, ut ab hoc unico murice Senator sis, qui ab
omnibus trabeatus esse merebaris.

Applaudere Tibi!

Præsul dignitas! uni *Tibi*, in tanto honorum concursu, me-
reri bene de *Celsissimo Principe* est concessum. Attigisti vo-
torum Tuorum summam in hac una fronte, fastigium &
culmen omne honoris, tenes. Fateare MAGNE ANTI-
STES! debes aliquid dignitati quod ab aliis semper quæsitæ,
à multis exoptata, amata ab omnibus, Te amaverit, Te u-
num optaverit, Te quæsierit. Plaude! triumphæ! ad alios
nonnisi per longas, variarum Minorum Diæcesum amba-
ges, per non modica temporum interstitia cucurrit, ad Te
volavit, & quod citius non descenderit, Momentum illi
quodlibet ætas, horæ singulæ sæcula, videbantur.

Fateris! propensi in Te honoris officia, ratus ingratitu-
dinis notam illos incurrere, qui beneficium se accepisse ne-
gant, quod acceperunt; penetras studia, amas obsequia.

Sed quantis, illa compensas gratiis! quanto superas fa-
vorem! vincis beneficiis! Expunxisti munus Tibi oblatum,
Te ipso *Munere*. donum; majoribus gravasti donis, Quem,
pro innata Principibus generositate, puderet acceptæ gratiæ,
si pigeret nondam restitutæ. Parum Tibi est *humanissime*
Præsul computare obsequia, mente volvere studiosa officia,
nisi ipsa Tibi impensa pretia, faceres obærata & certantem
Gratiis honorem, Victor beneficiis superares. Superasti!
invexisti trabem, PRINCIPEM CZARTORYSCIUM, &
jam dignitatem, *Præsulis Pofnaniensis* fecisti *Celsissimam*, quæ
in aliis non nisi *Illustrissima* dicebatur. Invexisti in avito
POGONIA, communi utiq; toti Lithavorum genti decore,
magnum Ducatum Lithvaniæ, & Majoris Poloniæ plagam
Te uno, ceu Summorum Provincia ampliasti. Affurge! tan-
to Nomini, vel Te ipsa Augustior Majoris Poloniæ, *Anti-
stes* dignitas! per istud stetit, quod ad altius honoris fasti-
gium ascenderis. Locasti hunc Principem in Petri Cathedra
& infra hanc est omne solium. Dediti claves; infra te
cælum ipsum. Addita est Magna dignitas honori, non ho-
nor, tantæ dignitati. Huc collimat dictio: quantum de-
coris tecum accesserit purpuræ, quantum pretii annulo, non
tam verborum phaleris exaggerare ad fastum, quàm brevi
notare puncto ad honores. Domus tuæ antiqua & nova
innuam decora? argumentum rei erit in parte. Tua demum
in omni campo recensebo merita? absolvam totum.

Injurius *Celsissimæ* Domus tuæ Majestati essem; si il-

lam unius paginæ arctare angustis contenderem; cuius facta, fastos; admiranda, annales, & orbis universi historiam; gesta, nobiles scriptorum curas, merentur imo fatigant.

Ambitus esset, ingentia decora ad unam cogere periodum, quæ totum Poloniarum orbem implent, & vix universâ contineri possunt Europâ. Temeritas esset rudi calami Officiô perstringere leviter honores, qui Ducalibus clavis *stylô ferreo*, Senatorum fascibus, *svada Civili*, & colligatis Vestro Nomini sceptris, *Regina* notantur *Eloquentia*. Odi factum Mirmecidis! consternatos Phæbi jugales in una muscæ ala stabulari fecit, æque exaggerando artem præclaram, ac minuendo illustrem pompam. Avitum POGONIA, totus quantusquantus est! & currum gloriæ vestræ, quem ceu Tullia supra cruenta egistis discrimina, pennâ non circumscribam; quem Mavortis alæ, belli aquilæ, ambire tantum poterant, non arctare. Non istos Angustâ complecti laborabo periodô, quorum magni cineres, ingentes tumulos; fama mundum; Divi manes cælum implent. Dabo sepultis majoribus vestris, hanc reverentiam, ut illorum parcam elogiis, qui supra soles & sydera positi, jam omnia humana despiciunt, & tantum non pudet illos fuisse, inter mortales. Pingit se quidem Domus vestræ, ceu publici sideris Parens aurora, murice; Est suus, primo etiam fonti honor, imò puteo Corona. Est non ultimum, vel ipsis CZARTORYSCIORUM, ceu gemmarum exuviis, decus non tamen vos gemmas à conchilio, non meridianæ lucis vestræ splendorem, ab aurora; non purpurarum vestrarum flumina; à fonte laudavero. Longum enim esset, ire prolixis laudibus per singulos Majores, paucis verbis omnes in universum complectar. Gesserunt Attavi omnes honorum titulos, floruerunt sub violis, rubuerunt sub rosis, ornarunt utramq; purpuram Præsules & purpurati Patres, illustrarunt sagum & togam Senatores, Heroës & Heroûm Duces. Plena est rationum curia, quibus hanc Legati ad comitia locupletarunt, publici Themidis congressus profundissimô sensu, quem Arcopago Polono Licurgi intulerunt; partem factorum Poloniæ & Annalium Lithvaniæ; qui ignorant decora gentis vestræ. In particulari tamen delibabo tantum ceu primis labris, Divos manes; utiq; hîc officii genere Sacra colere Lipsana Religio est.

Dux Olgerdus
Celsissimæ Domus
Author.

Ducem OLGHERDUM GEDIMINI Lithvaniæ Principis
Filium & vestræ Prosapiæ autorem dum prætereo, de genu
adoro. Meretur hanc reverentiam, Caput totius Reipublicæ
dici

dici potest, cum est domus vestrae origo. Universae Pater Patriae, dum Celsissimae Genitor Prosapiae. Fastigium est Celsissimae domus vestrae vel ex eo Summorum apex ac Corona. Ducis CONSTANTINI KORYGELLO OLGERDII Filii manes, à cineribus excitabo. Sepultus hic bellicae virtutis ardor scintillat, & adhuc fervet. Capax Ille! ingenium gloriae nactus, quæsit illam ubi nobiles quærere solent. Ratus eam, armorum esse præmium, & vulnerum mercedem nomen dedit Bellonæ. Parum est dedit manus, dedit Heroici animi sedem cor, Caput jugulo donavit, ad extremum cum nihil carius haberet, impendit & vitam. Bella bellis porrigebant Litvaniam, ex profligatis periculis, nascebantur majora; Effuderat se, ceu virus in nobiles venas, in Lithvaniam VITTOLDUS, cum innumneris Crucierorum Copiis, Gens hæc Cives terrore, Urbes clade, campos libidine, Provinciam implevit rabie. In hac rerum tempestate, fluctuabant Litavi, Salus & fortuna Patriae infesto naufragio mergebatur. Actum erat! de pulcherrima Provincia, nisi tempestas illa in Celsissimum KORYGELLO Exiguâ militum stipatum manu, & nullâ re magis armatum quam se Ipso, impegisset. Hic adversos fluctus frangere, naufragia elidere, & contra torrentem niti. Opposuit se bene habito integro belli Corpori, manus lectissima, segeti Clypeata virorum, manipulus fortium; Tempestati armorum, belli fulmen exiguum, tantæ moli, arena Martis; pluralitati, virtus & dexteritas in Principe singularis. Pugnabatur per producta temporis intervalla, pari ab utrinque pertinaciâ, magnis Crucierorum viribus, majori Principis Virtute, Maximo miraculo. Prodigium enim erat & quoddam militaris animi portentum, quod is KORYGELLO aciem instruxerit, pugnaverit, certaverit; qui unicum posse videbatur, dare locum victoriæ non campum pugnae. Vicisset certe si arbitria bellorum, penes virtutem essent, non fortunam. Invidit ista Heroicæ virtuti, nulli magis inimica utpote inconstans, quàm CONSTANTINO; nobilem hanc prædam non in Timothei retia, quàm hostium casses impulit, cui receptis & nondum bene obvolutis vulneribus, inhiabant. Venit in manus Crucierorum, qui Corde Civium portabatur pro Patria dexterrimus obses, unô se plus quàm Cleopatreis unionibus, integritatem Lithvanæ Provinciæ redimebat. Pretia tanti viri æstimare hostis nescivit, Caput hoc, vere aureum, quo consilia maturè; bella prudenter regerantur, amputavit. Amputatum, ac militari infixum hastæ,

Olgerdii Filii
Dux
Constantin
Korygetto.

per classes, manipulos, exercituum mania, circumduci iussit, ut ostenderet verticem minatum, quo KORYGELLO hostem, utramque belli fortunam, & sexcenta pericula superabat.

Vicit VITOLDUS

Tarquini fastum

Majore fastu!

Hic, papaverum Capita

Ille inter Proceres Lithvaniæ primū

Messuit, CAPUT.

Minuisti perfide! Principem vertice,
auxisti gloriā.

Gloriosum est

integritatem Patriæ,

per sua tueri discrimina.

Citra *Minervæ* Commentum

ex hoc vulnere nata,

crevit in Posteris,

in seris adolescet nepotibus.

Quid sublata hac fronte ademeris?

vide!

Bonæ mentis sedem,

Consilii arcem,

Dignitatis apicem,

Sapientiæ domicilium.

Quàm malè!

tanti Capitis Supplicio Tibi Consulueris?

Audi!

Diu

Diu stetit, Cadente Capite KORYGELLO,
 Sic truncus trophæum sibi
 Sublimi strage tandem cecidit,
 sed jacens, terrori est
 Per rimas, vulneris
 prospectat Heros animus,
 Ignea vis
 tanquam ex Servii capite erumpit,
 hâc mentis face
 Te hydram adurit,
 Nondum benè extinctus Hercules
Laudanda tamen in hoste virtus
 Amputatam cervicem,
 semper meditantem fortia,
 Militari hastæ inponit,
 Sic effert caput
 non aufert.
 Circumtulisti hanc frontem
 per Castra Vitolde?
 benè
 Latio adhuc infer
 Me hercle
 Caput hoc
 Romano dignum Capitolio.

Jacturam tanti capitis memoravi, pudore dum hoc ta-
 bô suada suffunditur. Pudet in tanto Domûs vestræ disci-
 mine, in tanto Patriæ luctu, fuisse disertum. Involvi si-
 lentiô vulnus hoc debuerat, ne sanguis iterum bulliat ad

dolores Provinciarum & Familiæ vestræ renovandos. Sed vos per belli classica non nisi celebrari, per capita in campo sparsa scribi, & laudari per vulnere incisa ambigitis. Non abstinebo igitur adhuc à luctibus; non licet quidem publicam ingressus Tui diem qua Civium animos, & ex hausti desiderio gregis vota serenasti, Atra fatorum tempestate corrumpere; nec æquū ægrè obductam cicatricem ad exaggerati mæoris molestias restaurare; Sed quia erigunt se è tumulis immortalī coronata ferto, redimita laurō Domūs vestræ capita & Heroe clava ac asperatā fronte minas intentare videntur, ne gloriosō sepultos cinere, officiosō intermit tam cultu, Divis deferō Manibus, quos fastorum ferendos memoria Lachesis ad saxum, ad tumulum & Patriæ luctum immite fatum detulit.

Chleb Prin-
ceps Czarto-
ryski Cōstā-
tini Filius.

Umbris Principis CHLEB CZARTORYSKI Filii CONSTANTINI KORIGELLO Festa dies sit simplex Heroici facti illius Commemoratio. Premebat ille ad Vilnam infestas Vitoldi acies graviter; Crucierorum, crux maxima. Expedit ferrum, tela telis opposuit, globorum grandinem & fulmina ceu Tonans in Gigantes miserat. Ad extremum cum aliter non posset, ferociam adversi Militis cadendo, sui corporis obruit magnitudine. Insequendo hostem discessit è vita, forte fugaces Crucieros ad inferos, usq; impulsurus, aut palmas numeraturus perrexit, quas dudum astris præmiserat. ALEXANDRI JOANNIS MICHAELIS Ducum de CZARTORYSKO cum volumina non possent hoc punctum laudi sufficiat. Quos Lucina Parens Principes Sanguinis edidit, hos VLADISLAUS *Polonia & Hungaria REX* Fratres suos publico *Budæ* datō edictō vulgavit. Fratrem Regis esse, dignitatem expressam ambigitis? hoc est supra vulgus attolli! hoc omne titulorum ac honorum fastigium infra se habere! hoc est supra id quidquid in Regno magnum, in Republica Augustum, in Provinciis basilicum eminere. Celsitudinem Prosapiæ vestræ Principes CZARTORYSCI vel ex eo pensate, parum est pensa *Polonia & universa* qua latè pates *Europa* Sanguis ille quo vivunt ex venis Regalibus est, ad illos per sceptrā defluxit, & sceptrō dignus qui intra hos est. JOANNI & ALEXANDRO negarunt astra sobolem, forte totum publico Patriæ commodo impenderunt sanguinem non proli, maluerunt *Patres Patriæ* dici quàm *Filiorum*. MICHAELE Braclaviensi Capitaneo editus in lucem THEODORUS & elogio sufficit natus Stilicho. Talem prolem in hoc; Patriæ dedit, ut

Theodorus
Dux Michā-
elis Filius.

non

non aliam Mars ipse genuisset. *Theodoro enim Capitano Luceorienti* omnis annus *Militaris*, omnis dies *Martius* & omnis mensis *Augustus* fuit, idest laurearum & messis gloriæ feracissimus. Militem, quem coluit antiquitas, qui vires Galeis attrivit, quievit inter trophæa, mente volvat posteritas, parem huic votò non effinget quem ipsa effinxit fortitudo. Si metempsihosi daretur locus, Ajacis aut Agamemnonis anima in hoc transmigrasse corpus crederetur. Ausa est Volhiniâ, Podoliamq; armis appetere Tartaria, cæde cruentare manus, strage Russiam. Excepit intra domesticos lares ut hostem non hospitem THEODORUS. Cædebat multiplicatò ictu donec cederet, animas è corpore expellebat donec exirent. Si penes mortuos ejus terræ quam occupant Dominium esset, Tartari totam Volhiniam Podoliamq; possiderent mortui, quam non possederunt vivi. Cum ab armorum peritia, dexteritate in agendo, felicitate in prosperis, constantia in adversis, *Philippi Macedonis* nomen & gloriam mereretur, ex hoc uno complexus, quod filium Patriæ dedisset ALEXANDRUM. Par in hoc, major in altero, quod auxisset etiam Natò secundò JOANNE, illò aucturus Gratiarum nomen nisi fabulam olerent. ALEXANDER Palatinus Volhiniæ heroicæ virtutis, Paternarum virtutum æmulus & laurearum Hæres. Ad bellum haud gravatè animum adjecit, quòd talem à Patre accepisset, Audivit toties magna in armis egisse Parentem, cum magno tamen Macedone doluit nunquam; quod perspectum haberet; majora sibi evaginatò ense præstanda suppetere, quam Maximi Majores præstitissent. Satis illi erat ad eviscerati amoris erga Patriam documentum, satis ad victoriæ pompam quòd tot cervices in acie ponere coactus fuerit furor Tauricanus, in quot ille ictus assurrexisset; parùm ad gloriæ apparatus; ultra Sexagenas Leucas extra Patriam hostem inscutus, triumphali passu attrivit, innumera detraxit spolia, Caput Imbramo Passæ dejecit, vicit barbarorum audaciam, quam ausus iste nisi vicisset; temeritas potius diceretur. O avidum ferri animum! non tam soli Aviti dulcedine, quàm solâ gloriæ siti teneri. O majores quòvis discrimine spiritus! quis ille pugnandi ardor, quærere hostem quem feriat, quæ audacia! currere ultra Patriam ut pro Patria vincat, quæ celeritas! opprimere hostem cum sexcentis leucis abesse illum putat. Sic currunt planetæ & Sidera, sic decidit ex aère fulmen, & dum adhuc in nube tonat jam terras verberat. Post tot heroicè gesta non illatus est Curuli Sena-

H

toriz,

Alexander
Dux Palatinus
Volhyniæ
Theodori
Filius.

Michaël
Dux Capita-
neus Zyto-
miriensis A-
lexandri Fi-
lius.

Ad unionē
M.D. Lithva-
niæ cum Re-
gno Poloniæ
multum cō-
tulit.

Celssissimi Jo-
annes & An-
dreas Filii
Celssissimi A-
lexandri.

torix, sed per ipsa provectus pericula, non prius enim *dis-*
serebat in curia quam manus *confereret* in arena, Senator
non à *murice* quam fuso hostium *cruore* trabeatus. Audite
primum illius in senatu votum: Testor; idcirco me purpu-
raturum apparere, ut tuear Patriam; Obsignassem illam liben-
ter etiam meo sanguine; & maluissem hâc secundâ purpurâ
rubere quàm primâ. Expresserat ille noxium Patriæ sangui-
nem per vim Tartaris, impressit Filio MICHAELI *Capita-*
neo Zytomiriensi Generosum; deditq; vitam ut Pater, præ-
cepta fortitudinis ut Magister, exempla ut bellorum arbiter.
Transumpsit Ideam filius & imago Patris creditus, eam in-
dolem ad omnia virtutis facinora præferebat, ut suus Pater;
dubium relinquendo an differret indoles à natura. Idem fere
& alius à Patre fuerat, eadem illi dexteritas, fortitudo ea-
dem, idem in bellis animus, fama erat desultasse Patrem in
Filium & tam grandem Genitoris animam unô non con-
tentam corpore, gemina implevisse. Non impar ceu Ca-
stor Polluci ALEXANDRO Frater Celssimus JOANNES
Dux in Klevan CZARTORYSKI, Equidem illi ad proten-
sæ magnitudinis mensuram unus *Litvania* Orbis non suffe-
cit, quæsit alium & invenit *Poloniam*; utq; utrumq; arcti-
ûs complecteretur ex gemino fecit unum. Gloriæ sit aliis
quod adversas hostium acies; Illi honoris Summa, quod fæ-
dus percusserit inter gentes; & majus est diversas redinte-
grare partes, ut unum constituent; quàm secare plures ut
totum pereat. Si nihil egisset clarum, hoc uno facinore
implevit omnia. Vertit hæreditaria odia in perpetuos amo-
res, perennem belli fomitem, in æstus concordix: Fecitq;
ut *Aquila* fulmine tueretur Lithvaniam, & *Pogonia* ferro
Lechiam defenderet. *Unio* est Regnorum par Orbis *An-*
nulo, pars magna utriusq; Provinciæ, quam unam *constituit*.
Pro firmatis nexu Provinciis geminam Illi Prolem, ad do-
mus vestræ splendorem ceu unum sidus dederunt astra. JO-
ANNEM scilicet & ANDREAM. In una hac gemini spi-
rant laudum periodo; ut brevis encomii nexus, æque una-
nimes fateatur ac Fratres laudat. Illuxerunt hi ad utriusq;
orbis quanquam jam uniti auctissima solatia. Amavit primû
Polonia, alterum spectavit Lithvania, & tam nobilissimum
par Fratrum nec Argi ostendent nec Athenæ. Eadem illis
ad Summa quæq; contentio, idem juvandi Patriam in arduis
animus, hostilis vesaniæ tantum in utroq; odium, ut si alte-
rius sanguine extinguendus esset furor barbariæ; hoc solum
inter eos fuisset dissidium, qui prior hunc funderet. Divi-
serunt

onis lumen, non aliter tamen, quàm radius à Phæbo cui inhæret. Sudor defudantis svadæ, non aliter quàm à purpureo mari flumina ut ad Te iterum redeant Oceanum. Redibunt utiq; omni expectatione velocius. Tacebo Celsissimum MICHAELEM CZARTORYSKI Palatinum Sandomiriensem & JOANNEM CAROLUM Succamerarium Cracoviensem, prior Angeli nactus indolem, nec videri vult in penna, nec tangi potest stylô absq; injuria virtutis. Cum fascibus Palatinatus Sandomiriensis, stellarum assumpsit gloriam; igitur quò altiùs assurgit, credi vult orbe quid periodo? major esse, non videri. Ampliavit recuperatis facundia oristot à Moscho Provinciis *Lechiam*; Regnum poterat hoc ore mereri non vilem encomii Palæstram. Elucescet adhuc tanti Viri magnitudo, dum in Celsissimo Castellano Vilnensi & vobis Triariis Fratribus laudabitur; illic Pater in Filio, hic Avus in nepotibus. Alter SUCCAMERARIUS scribi in folio dedignatur qui legi in purpura recusavit. In monte Palatino dum illis Fasces Cracovienses offerrentur, pertinaci honorum fugâ apparere noluit, in arena literaria digito monstrari contemptui duceret. Eminent satis in Filio Celsissimo JOSEPHO CZARTORYSKI Vexillifero M.D.L. Et laudatur in Nepote Celsissimo STANISLAO, qui altò hic involvuntur silentio ut illis vel ex eo profundior fiat veneratio. In uno hic tantum Avo Tuo scilicet Celsissimo Principe FLORIANO CZARTORYSKI. *Primate Regni* tanquam in Ceris hæret calamus. Prototipon est tuorum in Patria meritorum. Exemplar, Idea, cui Te in omnibus conformares. Ultro honor illum in hoc locasse creditur sub sellio, ut haberes quem dotibus præcurreres, titulis sequeris. Brevi hunc attingam elogio. *Breve hoc etiam Pontificum* erit.

Celsissimus
Florianus
Czartory-
ski Primas
Regni ac M.
D.L. Avus
Celsissimi
Præstis,

Plinii Trajanos
Theodosios Paccati
Ansonii Gratianos laudaverint.
Celsissimus FLORIANUS CZARTORYSKI
A PONTIFICIBUS,
REGIBUS,
laudari promeruit

Enco-

Encomii illius *punctum*,
Regale *pomum*;
Membrum, manus Regia;
oratio, Vaticanum *oraculum*.

JOANNES CASIMIRUS
ad INNOCENTIUM X. dedit

Genere, *probitate*
eruditione clarum *Principem*
Superaddidit INNOCENTIUS
radium luci illimem;

& fecit
in senatu Illustrissimum.

URBANUS Octavus
eâ Romæ excepit humanitate,
quâ solet *Pater Filium*,
Sanctissimus Virtutem,

Orbis Caput acre ingenium.

Tale Principis esse credebatur & fuit

Ad Tiberim Theologiæ navavit operam;

non tam discere

quàm meminisse;

Non acquirere scientias,
sed innatas habere visus.

In Collegio Romano,

JOANNEM LUGONEM

nactus Magistrum.

Parùm tamen gratiæ,
naturæ *multum*,
sibi *omnia* debuit.
Pinxerat se rubore de LUGO
ante purpuram,
quòd talem doceret,
à quo doceri debuisset.
Publica Academiarum Thesis fuit
A pud *Hispanos* reverentiam;
apud *Gallos* applausum merebatur.
Nati sub calente sole *Itali*,
illam excitati ingenii optabant flammam,
quam huic frigidior dedit *Septemtrio*
Tantam frontem Doctoralis ambivit laurea,
& cinxit.
Hòc pactò,
ut Qui palmam omnibus præripuit,
raperet etiam Infulas ante omnes.
Rediit sub lauro ab extero Sole
ne tantus ardor candori officeret.
Exemplò *redimitam frontem*
amarunt Proceres infulati
æstimarunt Capita coronata.
Canonicus Cracoviensis factus primò;
ut *jure Canonico* possideret brevi Infulas.
Quanta hic Apostolici zeli prodigia!
quantus inter altaria

Divini amoris ardor!
A Sacris perorabat exedris,
detonabat à pulpitis.
Nulla fuit *Virtus* quam non doceret,
nullum vitium quod non argueret.
Tanta *Sapientia*!
ut ab illa omnes *Sapere* possent,
si omnes *sapere* vellent.
Viderunt *Reges in exedris*,
statuerunt in *Cathedris*.
Obtulerunt *Posnaniensem* vittam,
hæc erat mensura capitis.
Imparem adverterunt?
Supposuerunt *Cujaviensem*.
Addiderunt insuper *Primatialem*.
Mutarūt toties ut æqualē invenirēt,
numero Compensarunt;
Magnitudine id præstare nō poterāt
Sanè Intererat felicitati publicæ
ut multis hunc fulciret Scipionibus,
Ipse grande fuit Fulcrum Cumenq; Regni.
Exhaustis tot dignitatum fastigiis
Non habuit honor quid adjiceret præter Galerum.
Quanquam crescere amplius non potuit,
qui rerum humanarum apicem excessit.
Adjecit ille plura honori, quia *Sanctimoniam*,
Virtutes omnes infulatas reddidit,
I2 quas

quas habuit suas.

Prudentiam quæris?

fuit bifronte *Jano* circumspectior;

Oculatior *Argo* centoculô.

Ita se suaq; omnia circumspexit,

Velut omnia temporum

ac ætatum discrimina prævidisset.

Clementiam?

Ad veniam promptior fuit quàm ad pœnam.

Cum addictus esse non potuit sceleribus,

Adbuc mitis esse voluit sceleratis.

Liberalitatem?

Titum alterum dixisses,

si primus in illa tempora incidisset.

Fortitudinem infractam?

Nexū Swiderscianū ceu nodū *Gordii*

acri ingeniô discidit,

& rebelles liberos *Matri liberæ* subjugavit.

Pietatem?

In *Claro monte*

erga *BEATISSIMAM* fulsit liberalis

nisi *Thaumaturgum* locum reperisset,

Fecisset suis favoribus *Gratiosum*.

Amorem Sacrorum cætuum?

ut multos præteream?

Societatem JESU fovit tenerrimè

Sci-

Scivit Lojolano palatui arridere libros
sapere volumina?

Bibliothecam *Ravæ* transcripsit.

Ut majorem probaret affectum,

Domui Probationis

MARIÆ *Majoris* imaginem,
quam unice dilexerat impertiit.

Quantus Principis, amor!

omnia nos habere voluit per MARIAM.

Dedit vivus *Societati* manum liberalē

Post fata etiam pios *manes Varsaviæ* obtulit.

æquē *à manu aurea* fuimus divites,

ac ab optimis *manibus*

post *mortem pretiosam opimi.*

Adjecit *Virtutibus Sapientiam*

patuit hæc cum *diceret,*

enituit cum *scriberet,*

eminebat dum *scribenda ageret;*

Electa Divi Augustini conscripsit,

æque rotare *Pedum* gnarus,

ac *pennam.*

Singulæ in libro voces,

totidem sunt gemmæ;

Legentium coronæ,

aut auribus audientium inferendæ

Extinctô Principe, liber hic in lucem editus,

Extinctum Principem in lucem edidit.

K

Quot

Quot literæ
tot sunt immortales
vitæ laudatissimæ characteres.
quot libri capita
tot post fata gloriæ monumenta.

Celissimus
Casimirus
Castellanus
Vilnensis Pa-
ter Præsulis
Celissimi.

Consultò leviori quasi brachiò, magni Primatis famam attingi, celeriori pennâ Antenatorum gesta percurri, ut quantocius per laudum compendia, & summa gloriæ illorum dispendia; in campum elogiorum tuorum descenderem, præsentis ævi Ornamentum, elapsi Exemplar, vivum antiquæ probitatis prisciq; candoris Simulacrum Celissime CASIMIRE CZARTORYSKI *Castellane Vilnensis*, à Celissima Filiorum stirpe Genitor *ter optime*; imò omni numero absolutissime. Habent quod in Te mirentur, conscripti Patres Patriæ, alii ardentissimam in superos pietatem, defecatam in consiliis prudentiam alii, hi candidissimam & gemmeò dignam sæculo morum sævavitatem, illi in matura ætate indefessa obsequendi Patriæ studia, alii quod in supremo dignitatis fastigio vivas sine fallu; in grandævo sæculo sine onere. Habent quod plurimi gratulentur; perpetuos Regum Serenissimorum favores; ætatem primis in Regno parem imò majorem subseleis; collatos præcipuos & quasi longò ex ordine Fasces. Quod *Pocillatoris* M. D. L. primum munus, ita obiveris, ut gustui arrideres; sitimq; Tui accenderes. *Procancellarii Lithvanie* annullum rotaveris; ut omnem agendi spheram excederes *Legati* ad comitia Provinciam sustinueris, ut sive pro sago sive pro Toga diceres, aureum publici congressus votum esses. Quod *Senatorem* nunc agas, qualem vicina Regibus poscit dignitas Principes Regni sperabant, Reipublicæ postulabat integritas. Habent jam omnes quod inter privatos plausus, inter publicas etiam acclamationes, invident. Multis, etsi honor omnem trabearum colorem infuderit; fortuna opum apparatus erogaverit, astra nihil dedisse creduntur; quod Prolem negaverint. Quasi unicus fastigii titulorum apex esset, Filius corona Patris. Unica fortunæ blandientis orbita, si nativitatis rotâ soboles veniat Orbi & orbo Genitori ad Solatia. Multorum magnæ quantumvis *mentes amentes* gignunt. Spem suam & vota Patriæ *conficiunt*; dum *concupiunt*; unòq; momentò degenerem animam ignominie exponentes, *vitam* Proli largiun-

giuntur & mortem Familiæ. Heu quantæ Parentum notæ
natorum noxæ dum bonis stirpibus agnascuntur stolones,
& Filii prodeunt ita illis concolores; ut Umbra soli, fu-
mus igni.

Plurimis etſi Lucina faverit, reſoſueritq; prolem intra
cunabula, non *fascius* tantum, ſed *fascibus*, non *Cunis* ſed
Coronis dignam; invidit ſortem ineluctabilis fatorum neces-
ſitas; quæ ſupremum clauſuris diem, *ſperare* tantum ex te-
nera ætate futura permittit ſolatia, non *ſpectare* in adulto
corpore præſentia. Tibi vero CELSISSIME CASTELLA-
NE nihil faventes ſubtraxerunt ſuperi, nihil negarunt ſi-
dera, unde per omnia Pater eſſes fortunatus. Gaudes li-
beralis cæli beneficiô liberis reſertiffimis; in quibus novum
ordiris ævum Parentum ſæculo noſtro feliciffime (addam)
etiam beatiffime. Gaudes liberis ſed optimis. Omnes in
Paternæ pretia famæ creverunt; Provinciarum, Regnorum
ac Religionis gemmæ. Singuli enim aut Præſules, aut Se-
natores, aut Miniſtri ſtatus, aut terreſtris Cæli ſidera ſunt;
id eſt ſinguli Patriæ fulcra, Reipublicæ Columina, Senatui
Scipiones, Altaribus decora, unaq; domus Tua rebus pu-
blicis privatiſq; aris & focis capax ſufficere. In ſæculo qua-
ternio eſt omni Numero abſolutiffimus. Singuli ceu totidē
Cardinales inclytæ domus virtutes. In *Sacro Divi Saleſii*
catu manet unitas; & hæc poſtpoſitâ multiplici fortunæ
orbitâ, pretium meretur magnum & facit Religioni Sum-
mum. Etſi immortalitas meritorum tuorum faceret, ne
mori poſſes; præſtabit tanta proles, ne unquam nobis oc-
cidas, Eminebis etiam poſt ſera fata Celſiffimus; implebis
curiam; *fascibus* & tuo in liberis ſanguine attolles infulas,
pinges purpuras, rotabis annulos, beabis Regnum liberum.
Quam auſpicato Conjugium Tibi ceſſit cum Illuſtriſſima
ISABELLA de MORSZTYNIIS *Theſaurarii Regni Filia*
omne pretium virtute ſua excedente Proles hæc docet; quæ
certe ſi honor fortunæ nuberet, non alia naceretur. Do-
cet quantus probitatis veſtræ cenſus eſt, cum tam boni e-
duci non poſſint niſi ex optimis Parentibus. Docet Hy-
menæi veſtri tædas fumo carere, quæ tot Illuſtriſſimis ac-
cenſis Ceris mundo geminarunt meridiem vix ipſo ſole
non extincto. Meretur hic præclara Soboles lucem ad
tui nominis ſplendorem & ut Celſiffimi Præſulis noſtri ceu
ſidera ſideri magnis affulgeant honoribus. Primus Celſiſſi-
mus FRIDERICUS MICHAEL Nuper Caſtellanus Vilnen-
ſis nunc Procancellarius M.D.L. ut naſcendi ſorte ita omni
major elogio. Senatoris exuit trabeam, purpuram excuſ-
ſit,

Celſiffimus
Fridericus
Michæl Pro-
Cancellarius
M. D. L. Fra-
ter Celſiſſi-
mi.

sit, paratus semper & Corporis exuvias ut expeditiorem ad
 publica totius Provinciae Lithvanæ in suo Ministerio ani-
 mum præferat. Majorem titulum dedignatus; quæsit
 ubi plus sit de obsequio, quam honore; tantum se ascen-
 disse arbitratus, quantum se ad obsequendi Studium & Of-
 ficia demiserit. Implevit tanti FILII Curulim Celsissimus
 GENITOR; Procancellarii Genitoris annulum induit Filius
 maximus; cum ad Mensuram utriusq; mutata honorum
 incidissent insignia? Certum laudis utriusq; argumentum:
 quod Filius Patrem Virtute æquaverit, & quod Pater, Fi-
 lium genuerit sibi æqualem. Disserit nunc in Senatu CEL-
 SISSIMUS CASTELLANUS; & amatur in Patre *Filius*;
 loquitur à Regis latere Celsissimus Procancellarius; & in Fi-
 lio adoratur *Pater*. Sic cum nullum inter illos discrimen
 intercedit; dubitatur plerumq; uter sol, aut imago sit Solis.
 Satis credo esset ad instructum encomii illius apparatus,
 quod Patris magnitudinem attigerit. Satis quod divisum
 cum Illo tenuerit Imperium, quod Illi per omnia sit simil-
 limus ut Phænix Phænici, Leo Regi animalium, Unio gem-
 mæ; Nisi illud pigeret præterire quod sit Regiæ vicinus
 Majestati ut lateri cor, Regio ori vox publica, Apollini Se-
 renissimo oraculum, mens capiti Coronato. Adlegerunt
 sibi hunc Reges Augusti Procancellarium, ut illa loquen-
 tur linguâ, quâ se non meminit locutam Romana eloquen-
 tia; Donarunt annulô, qui non Regnum sed orbem etiam
 poterat hoc ore mereri. Minus egissetis vestro nomine Au-
 gusti Principes, si ad altiores trabeas invitassetis & primis
 invexissetis curulibus Principem hunc CZARTORYSCIUM
 Nullibi enim felicius Magni Ducatus Cerae hospitari possunt,
 quàm in mellei sinu Oratoris. Ex nulla officina meliora
 prodire poterant beneficia, quàm ab hac manu quæ con-
 citationi expeditione & præter ipsam spem expectantium,
 hoc facit, ut bis conferre honores videremini. Ex collato
 munere huic Viro dexterrimo potentissimi estis; discunt e-
 nim ab illius gemma pallere flagitia, discunt ab annulo ti-
 mere vincula noxæ, discit quisq; temerarius ab impresso Ce-
 ris POGONIA formidare ferrum. Plura decora ac pretiosis-
 simas dotes tanti Viri, quæ sub sigillo tenet Patria, sileo;
 cum illa nec pagina ferre, nec ego pro dignitate fari pos-
 sum. Secundi AUGUSTI & ALEXANDRI Celsissimi Ge-
 neralis Terrarum Russiæ Palatini, vel ex primis magnitudi-
 nem evolvere fasciis; cum Indigetes Divi crescere, ampliari ac
 mereri sub classico stipendia debuerant, ut pro illius cunarum
 cecidisset.

Celsissimus
 Augustus
 Alexander
 Palatinus
 Russiæ Fra-
 ter adus.

cecidissent Majestate. Quod Regibus, idem Illi Infanti ad-
 huc nomen obtulit Sors nascendi fortunata, ut vel chario-
 rem regnaturis redderet Principibus, vel illico cum lacte ad
 scepra & Coronas ostenderet candidatum. Superaddidit
 ALEXANDRI quod pro *Bucephalo* avitum *Pogonia* insedis-
 se adverterit adjecitq; cum *Philippo Macedone* ut alium si-
 bi Orbem quærat, cum illum Magnus licet Lithvaniæ Du-
 catus capere non poterit. Ivit in Regnum Poloniæ illudq;
 nunc implevit honore, quod ante meritis & virtute supe-
 ravit. Quid enim aliud faceret? cum publicis interesset
 congressibus, cum Regum adhæreret lateri ceu vellus au-
 reum, cum coronæ jungeretur Magnatum ceu unio ani-
 morum, quid cum Generalem Majorem egisset in exercitu? In-
 tererat Consultissimis sive Grodnæ sive Varsoviæ Comitiis
 notabat Sancita, excipiebat profundissimos sensus, laudabat
 illimem in aliis facundiam, ipse oraculum, Ipse Civilis sua-
 da, Ipse votum maximum purpurarum. Immiscebat se
 purpuratis Patribus verecundia cum adhuc junior esset tra-
 beatus; Alius morum gravitatem, prudentiam alius defe-
 catam, alius moderationem maturissimis invidendam mira-
 batur, Hic purpuram cedebat, cedebat alter curulim, alius
 fasces suos illi offerebat, quod dignus jam tunc fuisset to-
 gâ cum vix prætextam exueret; Adhæserat throno ceu ra-
 dius Phæbo, adverterat Serenissimus AUGUSTUS II. ad
 Summa quæquæ natam indolem & primis in Polonia pur-
 puris declarabat. Generalis major informabat Corpus bel-
 li ceu Heroum anima, instruebat aciem ceu Gradivus, ho-
 stem profligare docebat ceu Mavors, & tot Heroicè gestis
 vim quandam præmiatrici Virtutum Patriæ inferebat. Vi-
 cit sane dexteritate in agendo omne præmium, cumq; ob-
 latum sibi Palatinatus Russiæ præmium admiserit, tantum
 accepit quantum potuit; non quantum debuit. Superstant
 tamen terni Leoburgici Montes & ad numerosiorem meri-
 torum mercedem majora & unum ex alio Augustius pol-
 licentur illi honoris fastigium. Filia verò Celsissimi Castel-
 lani, & Soror tua Præsul Sacerrime, Celsissima CONSTAN-
 TIA, vel ideo secunda Poloniæ Bona quod unica Constans
 laudes excedit & habet. Blancas Galliæ, Rosimundas Ita-
 liæ, Romanas Cornelias quemadmodum temporibus secuta
 est, ita magnis dotibus antecessit. Ut animò supra sexum,
 probitate ultra hominem, ita meritis supra famam eluctata.
 Summa plerumq; indoles, ex comitatu pensatur. Leo non
 se vulgari immiscet gregi sed graditur cum Regibus ani-
 mali-

Celsissima
 Constantia
 Soror Celsis-
 simi Præsu-
 lis.

Illustrissimus Poniatowski Palatinus Masoviae.

malium. Aquila imbellem columbarum declinat turbam, Hidaspes oceanum subintrat Hermo comite. Sol pingit Parelia ut socium habeat solem. Heroicae, Virtutes illius vel ex eo aestimantur maximè, quod se sociali nexu libertatis statore Jovi, fortium Virorum Idea, bellicarum artium armamentario, æterno fœdere adstrinxerit Illustrissimo Excellentissimo STANISLAO PONIATOWSKI Generali Terrarum Masoviae Palatino. Virum hunc vix non omnia eripiebant sibi Regna, optabant singulae Provinciae, Universa sibi vovebant Imperia. Cum se Patriae suae dederit.

Invidiam terris tantum non ponit Olympo CAROLUS XII. Svecorum Rex, omnium bellorum Arbitrum, discriminum ac periculorum testem, victoriarum assertorem habuit; & Avitum Leonem didignatus, quod PONIATOVII Taurum, plus quam Phalaridis, majus hostium esse tormentum adverterit. Audivit heroicae virtutis in illo portenta LUDOVICUS XV. *Galliarum Rex*, ut Liliis cor, exercitus corpori anima, hostibus belli fulmen fuisset, ad sua castra invitavit. Auscultavit ad belli classica & publicae famae tubam nomen Gradivo celebratissimum GEORGIUS *Angliae Rex*, primas in exercitu obtulit; Regnum in suppetias, Auxiliarem Svecorum manum, & magnas Heroum copias, si Illustrissimum PONIATOWSKIUM, habiturus.

*Quae non Castra Virum? quae non Provincia norat
Optaratq; suum?*

Moschorum ac Turcarum Principes cum habere illum maxime desperassent, aestimare tamen minime non poterant, quod scirent nihil bellis domandis fortius, aut ultrò inferendis securiùs quàm Heroem tantum. Ita didicit se non sibi sed toti mundo genitum, vires tamen suas, dexteritatem, grandes spiritus, & quidquid potuit, (potuit autem quæq; maxima) Patriae & Poloniarum Regi AUGUSTO II. consecravit. Majora alibi faventioraq; sibi sperare poterat, optare tamen fortunatiora noluit, nisi ut vitam quam Liberaliter à Matre accepit Lechia, illius usibus attereret, impenderet obsequiis. Gratò animò intra Regni viscera orbis fere universi Peragator, imò intra affectuum præcordia salutatus. A Serenissimo vero AUGUSTO II. quod magis virtutem illius penetraret & miram in agendo fortia vim expertus fuisset, ita acceptus, ut suus Ephestio ab Alexandro. Comparuit in aula, o quæ aulae tripudia! qui plausus! resonabant parietes, personabant recta & illa passim au-

sim audiebatur echo: AUGUSTUS II. Ministrum sibi in
PONIATOVIO habet totam Europam. Scit ille aquilam
scit liliorum naturam, scit leonem, novit Draconem, scit
arma & pacem, scit Reges & Principes atq; Idem omnium
Regnorum Consiliarius esse posset, nisi mallet unius mini-
ster esse Reipublicæ. Taceo quanta privatus egerit, Quan-
tum Thesaurarius Magni D. L. æraria ditaverit, se ipso u-
nitione, non recenseo; unum innuam, quod laudem præ-
primis æstimationem præ omnibus, & orbis universi ad-
mirationem meretur. *Regimen ferens* totius Poloniæ exer-
citus, *Interregni* tempore ita demandatam sibi moderaba-
tur Provinciam in turbido, ut optaret in pacato. Nul-
lus tunc (quod extincto Rege usu venire solet) aliud sibi
querendum cogitavit Caput, nullus quod per licentiam to-
ties antea actum audivimus, libertatis tuendæ prætextu in-
vadere Palatinatus, vastare Provincias, orbare domos, nul-
lus in turbido piscari omnes Summæ Patriæ commodò,
afflictæ solatio, prompto animo mandata exequi, stativa
tenere, stipendia pacatè expectare, omnes à vultu & nutu il-
lius pendere, à quo tunc unico salus pendebat Reipublicæ aut
discrimen. Fortiora hinc crede ad veritatem aptato Cala-
mo egisti MAGNE PALATINE Carthaginensi Duce mol-
livit ille montes aceto, tu mentes indomitus sudore quem
militaris expressit galea; Plus effecisti excussis exercitui ar-
mis ne illis viscera scrutarentur Patriæ, quam cum alii en-
sem strinxerint ad victorias.

Hæc sunt *Domus Celsissimæ* decora, quæ incomptò sua-
dæ officio perstrinxi temerariè ad irritamenta, non laudavi
dignè ad gloriam. Hæc nomina, tantum laudanda quan-
tum Gradivus & Cato intelligi possunt. Quæ dum ad
triumphalem Tuum ingressum, magno apparatu Tecum
invexisti Cathedræ Pantheon illam fecisti, id est omnium
nominum Summam; & Numinum compendium. Veni-
unt Tecum ANNIBAL SACERRIME grandes spiritus, &
consanguineæ Marti animæ. O quantæ hinc militanti Ec-
clesiæ suppetiæ! quàm numerosa decertanti ad auxilia ma-
nus! Tremat perduellis Ecclesiæ rebellio. Nutat & qua
parte cadere debeat, præstolatur fatum; dum tot ac tanti
assurgunt ad trophæa. Movent enim se se tumultis Divæ
animæ, tumultus sectarum in Europa sedaturæ. Divi cîne-
res, Pyrrhium pulverem; pii manes manus suppleturi veni-
unt, palmas quas in cælo tenent, in terris hosti sufferendas,
descendunt militanti fidei porrecturi. Superstites adhuc vi-

vacis animi excitatissimum intendunt vigorem, Senatores Consultissimi, Heroes dexterrimi, Ministri Regni prudentissimi, armant fasces bipennibus ut consilia sint triumphalia & Victoriæ de hæresi sapientes. Quid si Colligatas Domos in belli fœdera pertraxeris? Castra sunt & exercitus, qualem nec Augustus ad Actium, nec Macedo ad Ciliciam, nec Cæsar ad Pharsaliam numeravit. Omnes quasi in crystallum radii Familiarum lineæ ad honoris CZARTORYSCIANI punctum collimant. Adestis Cæsaribus vicini, Regium genus KORYBUTI, KORECCII, OSTROGIENSES, ZBARAVIENSES, Principes SANGUSZCII, LUBOMIRSCII. Adestis SIENIAVII, WALDSTEYNII, CHODKIEVICII, DENHOFII, TARŁONES, MORZSZTYNII; OGINSZCII, BILINSZCII, ZAMOYSZCII, BRZOSTOWSCII, ZEBRZYDOWSCII, FREDRONES, KRASINSZCII, KONOPACCII, STANISLAWSCII, ŁOSII, Bellaces Viri; Heciores in castris, Domi Numæ; metum inurit sceleribus, terretis flagitia. Cum vero Nuptæ vestræ Celsissimi CZARTORYSCII, GEORGIOS Bavaros FRIDERICOS Legnicenses, GEORGIOS Saxones BOGUSLAOS Pomeraniæ Duces, FRIDERICOS Brandeburgicos Marchiones. JOANNEM, CHRISTOPHORUM FRIDERICUM Duces Saxoniam. GEORGIUM CASIMIRUM BERNAM Principes Pomeraniæ vobis adstrinxerint, Orbem Europeum gloriæ vestræ sphaeram fecerunt & regna omnia triumphalem coronam.

Sed quid ego longâ serie Majores Tuos recenseam, quid donata cælo nomina repetam? Nomen Tuum ANTISTES Celsissime Sexcenta aboriginum sæcula, Centum Proavos & Majorum laudes repingit. Omnes Abavos Tuos dum Te appello; designo singulos nomine suo dum Tuum enuntio. Vivunt omnes in Te Hærede Virtutum latent in Mentis Sacrario, & apparent dum Tu aspiceris. Quid Magnorum de gentē Catonum ac junctorum sanguine gloriose gesta revolvam; nemo bene dives alienis divitiis hæc vera magnitudo est magnum esse de suo. De Tuo Te jam laudabo. Nemo melius vixit in Tuam gloriam quam Tu ipse vivis.

Celsissimi
Principis na-
talis dies in
Novembri
cum sol Ar-
citenentem
ingreditur
& privata in
tra Penates
studia.

Tantus es
ANNIBAL CELSISSIME
Ut ne primâ quidē diem aspexeris,
sine armorum luce

Ad pri-

Ad primum vocis Tuæ classicum,
intendit sol Pharetras,
non radium;
In astris pennâ notaturus triumphos
quos
in terris olim eras lecturus.
Elementa etiam
in Tuas conspirarunt Victorias;
Omnem arboribus florem
aër decussit,
Spoliavit frondes virore Aquilo,
quasi doceret;
Nullum folium,
rationali quantumvis deberi arbori,
Omnem palmam Tibi.
Calentiores Phæbi non admisti æstus
ut primâ mentis tuæ face,
dies solus accenderes Serenissimos.
Productas amasti cimmerias,
Vel longiori nocte,
Funeri Ecclesiæ hostiû præludebas.
Tale vitæ exordium
Noñe Heroicû sequeretur carmen?
Vincula fasciis minatus es,
Abscisso orbi
à Petri annulo.

M

Lacry-

Lacrymis vim cælo intulisti,
ut defudaret;

quo nomine in terris dicereris.

Evicisti ut daret THEODORI liberaliter.

Bonis auspiciis;

Incensô Ille Dolorum fanô

Deos in cinerem vertit,

TU extinctis hæresibus,

VERO NUMINI

Triumphalem accendes pyram.

Munificum est?

Addidit aliud CASIMIRI

sic Te

Segetem clypeatam virorum,

manipulum virorum fortium,

designavit.

Ut Talis cresceres;

doctis laticibus, literariô sudore

perfudisti frontem.

Discere Marte & arte.

adversa quæq; prostrernere

Tibi ludus erat

non negotium.

Incognitos tamen Academiæ recessus

non quærebas,

Musas

Cel-

Celsissimæ Domui habuisti inquilinas.

Publica Athenarum theatra
non adisti;

doceri ambiens non videri.

Domi discebas
qualis olim foris esse debueras.

O quantus erga Te,
Vele hoc capite Minervæ amor!

Ut plurimum hætenus plebeia erat
illam Tu Celsissimæ menti,

Augustissimis Palatiis invexisti.

Senatoriâ illam purpurâ decorasti,
quæ nec tectum quidem habuerat apud Priscos.

Invitasti ad aulam literas humaniter,
ut exuerent;

Si quid barbari in silvis Academi induerant.

Parum erat invitasse humaniter,
excepisse generosè;

nisi scitè

hospitantem intra Penates tractasses Palladem.

O quæ hic Tua studia! qui conatus!

Jam verbis ut nummis perorabas,
ut obæratam Tibi faceres Scientiam

Jam Te Gallicanum Herculem efformabas,

ut aureo suadæ nexu,

omnem traheres ad Tuū arbitrium.

Jam rofas & lilia loquebaris,

M2

ut

ut suaviter blandireris.
Jam mella Platonis propinabas
ut nihil in Te deesset ad doctas lautitias.
Si per ædes & compita discurreres,
non absq; vatum pedibus,
& literarum consortio.

Si conditum sermonem institueras,
miscebas fales Pòëtarum

Si membra donaras quieti;
ut Sapientum somnia haberes;
non aliud siparium Tibi placuit,
quam cortina Apollinis.

Continua Tibi noctu diuq;
cum Mercurio erat consuetudo,
ne quod tædium Domi *Tuæ*
hospitem invaderet scientiam.

Musarum ludus ac erudita literarum otia
nomen pæne suum amiserant,
Ne horam quidem sine linea patiebaris effluere.

O quanta hic iterum in Pallade
erga Te humaniorem Mercurio
affectuum incendia!

Apollo
non tam calore Pòëtico
quàm Tuo amore urebatur.

Musæ
Annulum Pyrrhi perosæ

in Men-

in Mentis Tuæ federunt sacrario.

Caput

Scientiarum evasit universitas.

Ex domesticis parietibus,
ita limatam extulisti adolescentiam
ut Cultio Hiron non desideraverit in Achille.

Latere diu intra Penates nō poteras
qui mundo debebaris.

Ingens animus unius orbis impatiens
erupit extra Patriam,

Id est

Gemma extra Conchilium ad annulum Piscatoris,
Fortuna Familiæ ad rotam Cardinalium,
dives Virtutum gaza ad Claves Petri.

Ivisti Romam non solus tamen,
nec Princeps absq; Comite

Ex Polonia iverunt Tecum

Spes Patriæ, vota populi, & Tuorum expectatio.

In exteris qua passum moveres
admiratio sequebatur singulorum.

Lustrare externos soles debuisti
& Solus digito monstrabaris.

In illo Orbis theatro
maximum spectaculum,

In foro frequentia,

in Appia triumphus;

Celsissimi
Principis in
exteris per
noventura
studia ac po
stea gesti
honores.

N

In

In Thaumaturga Divorum sede
planè Principum miraculum.

Sic

*Spectator spectandus eras; Potuisset in uno
Te, mundus toto quam tu plus cernere mundo
Majorem terris animum mentemq; gerebas.*

Brevi

formasti vultum ad Geniū Italogum
inter Tuum ingenium & genium Italicum,
tanta fuit affinitas

ut non magis Polonia corporis
quam Italia subtilis animi Patria crederetur.

Plus egeras!

quibuscunq; animi dotibus
regnat peregrinus orbis
Tuæ mentis imperio subjecisti.

Tullii eloquentia,

Tomitani vatis suavitas,

Martialis acumen,

Livii gravitas,

Taciti Sententiarum vis
in Te revixerunt

quæ hætenus mori visa.

Cum verò Philosophareris,
risisses cum Aristotele

Si in Platonem & ejus hominem incidisses.
Alii peregrinos orbis viatorum more emetiuntur,
brevem nectentes moram,

ab ex.

ab exteris nihil efferunt
præter seipfos.

Tu ut omnia *lustrasses* impendisti *lustra*.

Romam longiori *mora* penetrafti.

Novennium exegisti integrum,

sic novennis ANNIBAL

Ad Aras & Apostolorum limina;

jurasti in perniciem Ecclesiæ hostiū,

Cladem rebellium.

Quid in Patriam extuleris?

non mentitos adamantis fulgores,

non gemmas, non aurum

ut projectæ solent animæ.

Doctorem annulum.

opes animi,

Scientiarum pretia

Virtutis Te adamantis æraria.

Miraculum hoc sanè erat!

Inde Te cum lucro rediisse,

ubi non morantur alii sine jactura.

Ad tantum portentum

Convolarunt Principes, Magnates, Præsules

& unum visuri, adverterunt plura;

Scilicet illibatum vultus candorem,

quem Soles calentissimi non mutarunt.

Dari extra Græciam sapientes

cum Te in Polonia eruditum.

Nasci extra Pactolum Tagumq; gemmas.
cum in Te mores gemmeos.

Hos ut oculatior Cracoviensis advertit Præsul,
Collatô Canonici Cathedralis titulô,
terno Vavelli inseruit diademati.
Cathedra; cū munere *Judicis deputati*
obtulit pensandos bilanci Themidis.

AUGUSTUS II.

Sielunēsibus Mitris Infulisq; innexuit,
Tādē nunc Sceptri MODERATOR;
Ad *Posnaniensem* invitavit Infulam;
Superaddit tot teniis vittam,
quod non unam Palladem,
In *Tuo Jove Capite*
reperiret coronandam.

Cellissimi
Principis
Virtutes
eminentes.

Panttheon ingredior
cum Tuarum Virtutum pando *Sacrarium*.
quanquam
Pauciora fanū illud numeravit *Idola*
quam *Tu virtutes*;
omni numero absolutas.
Tractatus de illis scribi deberet
Si in pluribus similes legerentur capitibus,
notarentur *articulis*
quæ in Tuo leguntur *Corpore*
Car-

Cardinales dixerim?

quia eminentissimas.

Sed pluralitate numerum excédunt
non tamen *modum* quia *infinite*.

Theologicas?

fidem superant.

ut imitari illas possint
spem extingvunt in mortalibus.

Habituales sint? concede;

in *naturam* utiq; abiverunt.

Et facilius Tibi corporis exuvias deponere,
quam exuere illas.

Singulas evolvere vetat Tua modestia,

tenuitas mea non permittit,
pareo.

Aliquas quæ condi etiã non possunt,
attingere prætendit ambitus styli,
permittet *Tua Sanctitas*,
obtempero.

Exemplò

erumpit *amor superum*,

quo in astra fereris.

in Te alatus quia sublimis.

Hic à focis ad altaria,

à Penatibus ad aras evocavit,

& publico exposuit Te cultui adorandum.

Hic cum Sacris initiareris, docuit,

Q. D. D. D. D. D. D. non

non alium Panem pingviorem fitire
quam Angelorum;

id est

Cælitum delicias, lautitias mortaliū.

Hic *Sacrificare* erudiit
ut *annihilares Substantiam*
quasi non esset,

quæ fuit in Tuis manibus perampla.

Ubi hæc virtus pedem fixit
nidum aliæ posuere.

Quotidiana celebrandi assiduitas
Virtus est magna, sed non magnorum.

Accessum sibi alii faciunt ad aras,
fuga ab altari;

Pretium victimæ à raritate pendunt.

Alii superfluitatem
sæcularia alii prætendunt negotia
vilitatem suam omnes.

veniâ digni quod excusent,
non excusandi

quod veniæ locum fecerint.

TIBI frequens ad Aras victima;
manus quotidianô Sacrificiô cruētæ.

ANNIBAL ad Aras *Sacerrime!*

Omnia militanti evincere potes Ecclesiæ,
cum tam crebro in manibus habeas
DEI

DEI UNIGENITUM Cæli PIGNUS

Quantum à cælestibus epulis

capias solatii,

patet;

Cum ad terrestres gustum amiseris.

Ex instructa dapibus mensa

tantum sumis

quantum ipsa fumeret *abstinentia*

si mensæ assideret.

Odis Mapparum lautitias,

quas orbes adornant

non condivit cælum.

Ita intra Convivia

pauca arrident obsonia,

qui *Angelorum Pani* ad luxū asvevisti

Affabilitatē, Comitātē morum, modestiā

laudant quotquot noverunt,

efferunt quotquot viderunt,

ego taceo.

Prudentiā, Iustitiā, Clementiā attingo

Principum virtutes sunt

in Te principales.

Ex altissima erectæ mentis specula,

ita præteritorum memoriâ præsentia disponis,

ac si futura solerter prævideres.

Ipse Tibi Consul ipse Senatus

O2

quo-

quoties Te in Concilium Tuum admisisses,
errasti nunquam.

Judex vero olim Deputatus,
Justitiæ clementiam fecisti affinem.
ut neq; illius rigor nimius,
hujus lenitati;
neq; istius facilitas
illius præjudicaret æquitati.
Affectum ita moderabaris,
ut neq; Multâ asperitate,
patientum exulcerarentur animi,
neq; nimia clemētiâ insolescerent.

Securô itaq; Victoriarum pede, tot stipatus cohortibus,
quot virtutum cinctus copiis, honoris Tui decurre olympia,
Trabeate ANNIBAL. Totus quantus quantus est, Sancti-
monia Tibi militat æther, & Conjurati veniunt ad classica
Divi. Extende non Scipione solum, sed gravem etiam ferrô
dextram, probitas auxiliarem manum; Astra suppetias; rebellio
metam ictus *Tibi* porriget & triumphalem palmam. Effre-
natum hostium Ecclesiæ furorem; pertinacem in malo genium,
excitos tumentium animorum fluctus, exasperatas & velut ob-
ducto calle in quævis ruentes discrimina non exhorresce mentes.

Indomitum nihil usq; pio.

Serpentes venenô illitos tolles, non Tibi nocebunt. Mortife-
rum virus exhaustis, Salutem Tibi & Ecclesiæ propinabis. Mon-
tes cælo cladem intentantes transferes, & septicolli copulabis Romæ.
Compones ubi nidum ceu Alcion posueris naufragia. malaciâ vul-
tus Tui, Prudentiâ, deditionem in obsequium fidei svadebis. Justitiâ
adjudicabis avulsa Romanæ fidei; Virtute omnem quantumvis ardu-
um laborem superabis. In tantorum laborum Societatem ac obse-
quia Tua; pridem auctoratam DEO & pro Ecclesia ad effusionem
usq; Sanguinis decertantem, admittes *Minimam JESU Societatem.*
Etiam pusillus grex audebimus tamen quæq; voto majora Te Duce
Leone. Jam dudum asveta his præliis gerimus pectora; in Antesigna-
no Lojola sanatum à Petro habemus *pedem*, ad certamen pro fundata
in Petro Ecclesia etiam *Pedites* ituri si imperaveris. Idem laborum
testis eris qui & Auctor Imperii. Pugnabimus ad Tuas victorias. In
acie stabimus ad Ducis nostri trophæa. Cui ut adversa quæq; &
ipsam Sæculorum vincas invidiam pronô vovemus cultu.

Ad M. D. G.



